

四庫全書

經部

欽定四庫全書

經部

唐韻正卷六至九

詳校官監察御史臣施朝幹

洗馬臣王坦修覆勘

總校官編修臣王燕緒

校對官中書臣張曾炳

謄錄監生臣安宇樂

欽定四庫全書

唐韻正卷六

崑山顧炎武撰

下平聲

十六蒸

矜居陵切

古音居銀反詩苑柳三章有鳥高飛亦傳于天彼
人之心于何其臻曷等靖之居以凶矜桑柔首章
覽彼桑柔其下侯甸將采其劉瘼此下民不殄心憂
倉兄嗔兮倬彼昊天寧不我矜魏阮籍大人先生
傳坐制禮法束縛下民欺愚誑拙藏智自神强者睞
眦而凌暴弱者懼憚而事人假廉以成貪內險而外

仁罪至不悔過幸遇則自矜馳此以奏除故滯而
不振史記陳涉世家鉏耰棘矜索隱曰矜音動漢
書項籍傳註師古曰矜與種同按矜字見於漢韋
玄成戒子孫詩于異卿士非同我心三事惟難莫我
宵矜則入侵韻晉張華女史箴翼矜矜福所以興
潘岳哀永逝文啟夕兮宵興悲絕緒兮莫承俄龍輻
兮門側嗟俟時兮將升嫠姪兮章儻慈姑兮垂矜始
入蒸韻本註曰矛柄也巨巾切字樣借為矜憐字
按既云巨巾切則不當入蒸韻矣十七真韻矜字
下註曰巨斤切矛柄也人鉏耰也古作矜按此註巨
斤又誤斤字在二十一殷韻當作巨巾當改入真
韻

十七登

古與十六蒸通為一韻

能奴登切

古音奴來奴代二反詩賓之初筵二章其湛曰樂
各奏爾能賓載手仇室人入又酌彼康爵以奏爾時
又音肄易繫辭上傳乾以易知坤以簡能下傳
人謀鬼謀百姓與能謀音媒禮記中庸送往迎來
嘉善而矜不能楚辭離騷紛吾既有此內美兮又
重之以修能扈江離與辟芷兮紉秋蘭以為佩王逸
章句能乃代反九章思美人登高吾不說兮入下
吾不能固朕形之不服兮然容與而狐疑大戴禮
公符篇成王冠辭使王近於民遠於年耆於時惠於
財親賢使能說苑同家語同老子政善治事
善能動善時夫唯不爭故無尤管子五輔篇論賢
人用有能而民可使治莊子山木篇東海有鳥焉
名曰意怠其為鳥也翬翬睭睭而侶無能列子天
瑞篇無知也無能也而無不知也而無不能也荀

子非十二子篇今之所謂處士者無能而云能者也
無知而云知者也成相篇世之災妬賢能飛廉知
政任惡來堯授能舜過時讓賢推德天下治雖有
賢聖適不過世孰知之韓非子主道篇賢者較其
材君因而任之故君不窮於能去其智絕其能下
不能意揚權篇皆用其能上乃無事矜而好能
下之所欺孤憤篇主利在豪傑使能臣利在朋黨
用私逸周書太子晉解分均天財萬物熙熙非舜
而誰能淮南子原道訓藏于不敢行于不能恬然
無慮動不失時諡言訓使水流下孰弗能治激而
上之非巧不能夫子道德篇退讓守柔為天下雌
立於不敢設於不能自然篇各得其所與時往來
法度有常下及無能漢司馬相如封禪頌眈眈睦
睦君子之能蓋聞其聲今觀其來太玄經親測位
高事卑德不能也肺附之行不我材也張衡東京
賦左制辟雍右立靈臺因進距衰表賢簡能馮相觀

稷祈禱禳災 王逸九思乃回竭兮北逝遇神塢兮
宴娛欲靜居兮自娛心愁感兮不能 邊讓章華臺
賦於是罷女樂墮瑤臺思夏禹之卑宮慕有虞之土
階舉英奇於仄陋拔髦秀於蓬萊君明哲以知人官
隨任而處能百揆時叙庶績咸熙諸侯慕義不召同
期繼高陽之絕軌崇成莊之洪基雖齊桓之一匡豈
足方於大持 後漢書黃琬傳桓帝時京師謠欲得
不能光祿茂才 魏文帝秋胡行朝與佳人期日夕
殊不來嘉有不嘗旨酒停杯寄言飛鳥告余不能俯
折蘭英仰結桂枝 阮瑀七哀詩冥冥九泉室漫漫
長夜臺身盡氣力索精魂靡所能 阮籍詠懷詩清
露為凝霜華艸成蒿萊誰云君子賢明達安可能
晉潘岳射雉賦眄箱籠以揭驕晚曉媒之變態奮勁
骸以角搓瞬瞬悍日以翫睽驚綺翼而輕颺灼繡頸而
袞背鬱軒翥以餘怒思長鳴以效能 潘尼瑤琨
賦包神藏智備體兼才高下斯處水陸皆能文若綺

波背負蓬萊 贈王元貺詩崑山積瓊玉廣廈構衆
材游鱗萃靈沼撫翼希天階膏蘭孰為消濟治由賢
能 摯虞尚書令箴雖曰聖明必賴良材無曰我智
官不任能 陸機挽歌詩呼子子不聞泣子子不知
歎息重櫬側念我疇昔時三秋猶足收萬世安可思
殉沒身易凶救子非所能 夏侯湛東方朔畫像贊
若乃遠心曠度瞻智宏材侔博物觸類多能合變
以明算幽贊以知來 郭璞山海經渠移即聞隣
獸駢跡鳥贊渠致兵移即起災駢辟火物各有
能聞隣之見大風乃來 抱朴子博喻篇瓊瑤楫
無涉川之用金弧玉弦無激矢之能是以介潔而無
政事者非撥亂之器儒雅而乏治略者非翼亮之才
喪 膚表或不可以論中望貌或不可以核能仲尼侶
喪家之狗公旦類朴斲之材咎繇面如蒙俱伊尹形
若槁骸龍陽宋朝猶木偶之冠夜光籍孺童鄧猶錦
紈之裹塵埃也 隋張公禮龍藏寺碑文西臨天井

北拒五臺川谷苞異山林育材蘇秦說反樂毅奔來
都魯嵬俗汝穎慙能今此字四收於十六咭十七
登十九代四十三等部中按陸氏釋文詩各奏爾
能下云徐奴代反又奴來反柔遠能適下云鄭奴代
反禮記禮運聖人耐以天下為一家樂記人不耐無
樂樂不耐無形形而不為道不耐無亂鄭註耐古書
能字也後世變之此獨存焉穀梁傳成七年非人之
所能也本亦作耐左傳襄二十一年與樂盈為公族
大夫而不相能徐音乃代反昭元年居於曠林不
相能也能一音奴代反史記吳世家且句踐為人能
辛苦漢書高帝紀耐呂上請之應劭曰耐音若能食
貨志能風與旱鼃錯傳其性能寒其性能暑趙充國
傳漢馬不能冬西域傳匈奴常言漢極大然不能飢
渴師古竝曰能讀曰耐大戴禮易本命篇食水者善
游能寒素問能冬不能夏能夏不能秋冬不能秋冬
以厚藥靈樞經能春夏不能秋冬不能秋冬不能春

淮南子地形訓食水者善游能寒說苑夫漢陵不能
雨揚雄逐貧賦堪寒能暑皆讀作耐詩漸漸之石箋
豕之性能水能奴代反本又作耐禮記檀弓註凡棺
因能濕之物能音耐管子聾盲啞跛臂偏枯握遞
不耐自生者論衡出則耐分人君之地耐本作能文
選揚雄甘泉賦迺搜速索偶舉伊之徒冠倫魁能五
臣音乃來反說文恐能也徐曰能音耐是古但有奴
來奴代二音來說如卑則能亦讀如泥又如史記天
官書封禪書漢書王莽傳周禮大宗伯司中註三台
作三能鄭云古以能為三台字正義曰古者以耐字
為今之能字能字為三台之字後世以來廢古耐字
以三台之能替耐字之變而為能也又更作三台之
字是古今變也是能與台音相近故春秋元命苞謂
三能能之為言耐也晉時此音未改江左以降始以
方音讀為奴登反而又不可盡沒古人奴來奴代之
音故兼收之哈代登三韻後之註釋者於哈韻止云

三足鼈而能字始移之登部矣今當削去併入咍代
二韻按能字音奴登反始自宋齊之後漢書郭
杜孔張傳贊二蘇勳烈羊賈廉能與朋肱輞為韻梁
劉勰文心雕龍章句贊離同合異以盡厥能與恒朋
騰為韻廣韻十六咍註云奴來切爾雅謂三足鼈
又獸名禹父所化也十九代註云奴代切技能又姓
十七登註云奴登切工善也又獸名熊屬足侶鹿亦
賢能也漢書高帝紀註師古曰能本獸名形侶熊
足侶鹿為物堅中而彊力故人之有賢材者皆謂之
能是能本獸而非鼈也錄化為黃能亦此獸耳其訓
為鼈者唯爾雅鼈三足能漢張衡東京賦用之云能
鼈三趾此其一證顧野王玉篇始分為二於奴來反
下註云三足鼈奴登反下註云技藝工善姚寬西溪
叢語曰唐徐浩越州寶林寺詩云法士多瓌能言異
能也黃魯直謂能乃三足鼈言僧侶鼈耳能有二音
皆通不必指是鼈也亦引後漢黃琬傳為證今按經

傳之文下至魏晉皆作奴來反竝無奴登反者自玉
篇相沿之誤而又重以魯直輕薄之譏其變古音而
惑後學也實甚故詳辯之唐時古音尚存故陳子
昂昭夷子趙氏碣頌昔者元精汨滿陽九滔災大人
感生堯禹恢能李翱江州南湖堤銘長堤坦植之
楊槐架豁飛圯以便去來除險作利非賢不能歌示
江人式悅汝懷亦以才能之能而音奴來反不獨李
海越州詩也說文能熊屬足侶鹿以肉呂聲能獸
堅中故稱賢能而彊壯稱能傑也臣鉉等曰呂非聲
疑皆象形此因讀能為奴登反故云非聲耳呂之與
泥音正相近台字古亦音怡漢書嚴助傳以保地
險而中國之人不能其水土也註能堪也能即耐字
不必贅解唐書能元皓董衡釋音能音奴代切

十八尤

此韻當分為二

尤

羽求切

古音羽其反詩載馳四章大夫君子無我有尤百
爾所思不如我所之四月四章山有嘉卉侯栗侯
梅廢為殘賊莫知其尤易貢象傳六四當位疑也
匪寇婚媾終无尤也六五之吉有喜也白貢无咎上
得志也君子得象傳剝牀以膚切近災也以宮人寵終
无尤也君與民所載也大畜象傳有厲利已
不犯災也輿說賴中无尤也利有攸往合志也六
四元吉有喜也蹇象傳往蹇來譽宜待也王臣蹇
蹇終无尤也往蹇來反内喜之也鼎象傳鼎有實
慎所之也我仇有疾終无尤也旅象傳旅瑣瑣志
窮災也得童僕貞終无尤也楚辭天問湯出重泉
夫何罪尤不勝心伐帝夫誰使挑之九章惜誦欲

儻回以干條兮 惜往日信讒諛之 淵濁兮 賊氣志而
固謂女何之 過之何貞臣之無罪兮 被讟謗而見尤 思光景之誠
信兮 身幽隱而備之 老子見能字下 史記秦始
皇紀之 眾東觀刻石文 職臣通分各知所行事 無嫌
疑點首 改化遠邇 同度臨古 絕尤常職 既定後嗣 循
業長承 聖治羣臣 嘉德祇誦 聖烈請刻之 眾列女
傳 衛姑定姜 頌衛姑定姜 送婦作詩 恩愛慈惠 泣而
望之 數諫獻公 得其罪尤 聰明遠識 麗於文辭 漢
劉向九歎 遭紛逢凶 寔離尤兮 垂文揚采 遺將來兮
兮 哀余生之不當兮 獨蒙毒而逢尤 雖害害以申志
兮 君乖差而屏之 太玄經 彊測爰聰 爰明庶士 方
來也 小人彊梁 得位益尤也 克我彊梁 大美無基也
吳越春秋 通命達旨 賂往遺來 解憂釋患 使無所
疑 出不忘命 入不被尤 許慎說文 序知此者 稀儻
昭所尤 庶有達者 理而董之 張衡東京賦 見下

王逸九思天生我兮當闇時被詠譖兮虛獲尤
邕釋誨天高地厚跼而蹐之怨豈在明患生不思戰
戰兢兢必慎厥尤卻正釋譏虞帝以面從為成孔
聖以悅已為尤若子之言良我所思將為吾子論而
釋之行止有道啟塞有期我師遺訓不怨不尤委
命恭已我又何辭華陽國志已人詩語窮乞請期
吏起反見尤闕毛先舒曰論語多聞疑慎言其餘
則寡尤多見尤闕殆慎行其餘則寡悔疑與尤為韻殆
與悔為韻按尤字自漢東方朔七諫內懷情之潔
白兮遭亂世而離尤殆與憂為韻

訖

古音同上詩綠衣三章綠兮絲兮女所治兮我思
古人俾無訖兮太玄經僊測僊禍介介與禍期也
禍不禍非厥訖也僊冠之撲終不可治也

眈

古音同上 楚辭九章惜誦竭忠誠以事君兮反離
羣而贅眈忘儂媚以背衆兮待明君其知之

鄧

古音同上 詩賓之初筵四章屢舞傲傲是曰既醉
不知其鄧 呂氏春秋樂成篇蹕而虜裘投之無鄧
裘渠之反 陳第曰鄧羽其反古尤 鄧音義同禮記
鄧罰麗于事 晉語夫鄧而效之楚語夫貨馬鄧則闕
於民漢成帝詔以顯朕鄧列子魯之君子迷之鄧者

牛

語求切

古音疑 易元妄六三元妄之災或繫之牛行人之
得邑人之災 詩黍苗二章我任我輦我車我牛我

行既集蓋云歸哉我將我將我享維羊維牛維天
其右之絲衣絲衣其紃載弁俅俅自堂徂基自羊
俎牛鼎及鼎按此詩自兕觥其觥以下當別是一
韻以古人用牛必入之用柔必入蕭也左傳成十
七年殺老牛莫之敢尸楚辭天問恒秉季德焉得
夫朴牛何往營班祿不但還來九章惜往日呂望
屠於朝歌兮寧戚歌而飯牛不逢湯武與桓繆兮世
孰云而知之招魂土伯九約其角鬻鬻些敷豚血
拇逐人駭駭些參目虎首其身若牛些此皆甘人歸
來歸來恐自遺災些史記龜策傳今昔壬子宿在
牽牛河水大會鬼神相謀漢正南北江河周朗南風
新至江使先來淮南子說林訓見象牙乃知其大
於牛見虎尾而知其大於狸一節見而百節知也
說苑同獻公之賢欺於驪姬叔孫之知欺於豎牛
故鄭詹入魯春秋曰佞人來佞人來說苑同易
林履之蠱齊景惑疑為孺子牛无妄之萃主母貪易

饕盜我資財以失犂牛 頤之遯積豕童牛害傷不
來 大過之復出入無時 憂患為災行人失牛利去
不來 大壯之比夷明兆初三旦為災以讒復歸名
曰豎牛剝亂叔孫餒卒虛丘 按牛字自漢王褒九
懷歷九曲兮牽牛始與州修游流休悠浮求憐儔怵
為韻古辭西門行飲醇酒炙肥牛與憂為韻 陳第
曰牛古讀疑疑又讀牛周書逸詩馬之剛矣轡之柔
矣馬亦不剛轡亦不柔志氣庶庶取與不疑賈誼鵬
賦德人無累知命不憂細故蒂芥何足以疑愚按易
傳疑字甚多無與柔憂韻者當錄方音之互轉不可
以為據也 三略故士可下而不可驕將可樂而不
可憂謀可深而不可疑亦與鵬賦同

丘 去鳩切

古音去其反 易渙六四渙有丘匪夷所思 詩載
馳三章見箇字下丘懷之三字隔句為韻 岷首章

岷之黃蚩抱布貿絲匪來貿絲來即我謀送子涉淇
至于頓丘匪我愆期子無良媒將子無怒秋以為期
詩凡百君子敬而聽之猗子畝丘寺人孟子作為此
為雷為火為羸敗姬車脫其輻火焚其旗不利行師
敗于宗丘楚辭九章哀郢曼余目以流觀兮冀壹
反之何時鳥飛反故鄉兮狐死必首丘信非吾罪而
棄逐兮何日夜而忘之戰國策齊嬰兒謠大冠若
箕修劍拄頤攻狄不能下壘于梧丘說苑同易
林履之巽蹇驢不材駿驥失時筋勞力盡疲于沙丘
大壯之比見上太玄經養次三冀以肥丘育厥
根荻按丘字自漢王褒九懷飛翔兮靈丘始與蕭
條蛸嗥留為韻揚雄反離騷覽四荒而顧懷兮奚必
云女彼高丘與流為韻班彪游居賦建封禪於岱宗
瘞玄玉於此丘與流僚為韻以後馮衍顯志賦張衡
歸田賦邊讓章華臺賦無不讀為去鳩反矣

紆 匹尤甫鳩二切

古音匹之反 詩絲衣見上

龜 居求反

今此字兩收於五支十八尤韻中

不甫鳩切

古平字詩文王有周不顯帝命不時凡周之士不顯
亦世大明造舟為梁不顯其光崧高不顯申伯韓奕
八鸞鏘鏘不顯其光清廟不顯不承無數于人所烈
文不顯惟德百辟其刑之執競不顯成康上帝是皇
皆平字集古錄考古博古二圖所載齊侯鐙鐘銘不
顯穆公之孫不顯皇祖逌父鐘銘用昭乃穆不顯龍

光寅簋對揚天子不顯休牧敦敢對揚王不顯休秦
昭和鐘銘不顯朕皇祖受天命詛楚文不顯大神巫
咸皆以平字作不是其證也陸深曰詩有周不顯
帝命不時毛氏曰不顯顯也不時時也朱子集傳因
之不字當是平字清廟之不顯不承即書之平顯平
承揚慎曰古地名多有平字如春秋之不羹華不
注史之不周不美不耐山海經之不津不庭不其或
曰不即平也詩不顯惟德不戢不難皆讀作平按山
海經有不姜不咸不句不死不距皆山名用修所引
未盡左傳襄十年生秦平茲一本作不茲漢石
經尚書立政篇丕丕基作丕丕其又丕其令董恢君
闕不字作平則知其讀為平基也梁陶弘景許
長史舊館壇碑下邳太守作下邳又按古人發聲
之字多作不爾雅釋魚左倪不類右倪不若疏不發
聲也禮記射義幼壯孝弟者耄好禮不從流俗修身
以俟死者不在此位也好學不倦好禮不變旄期稱

道不亂者不在此位也。當亦發聲之辭。又按說文平大也。以一不聲。漢石經尚書及山陽太守祝睦碑涼州刺史魏元平碑。梁相費汎碑。趙相劉衡碑。平字皆作平。蓋一在不字之中間也。又按春秋僖十一年晉殺其大夫平。鄭父三傳皆從十左傳中。凡平字皆以十三國志魏文帝代漢大帝問羣臣曰平以盛年即位。恐孤不能及之。羣臣未對。闕澤曰不及十年平其沒矣。帝問何以知之。澤曰以字言之。不十為平。平果七年卒。晉哀帝亦名平。淳化帖載帝書亦作平。說文云以一者。即以十之異辭也。後人以一字移於不字之下。而闕澤之言遂不可解矣。後漢書耿秉傳太醫令吉平。平或作本。按平字以中一直貫下。而加一橫。其間故謂之不十。猶千字从人从十。亦以中一直貫下。而加一橫。其間皆古人省筆之法也。按不字見於經者止有不趺二音。平音見上。趺音則常。隸鄂不韡韡箋云不當作拊拊。鄂足也。古聲不拊。

同是也晉以下則轉而為府鳩反又轉而為方九反
漢陌上桑詩使君從南來五馬立踟躕使君遣吏往
問是誰家妹秦氏有好女自名為羅敷羅敷年幾何
二十尚不足十五頗有餘使君謝羅敷寧可共載不
羅敷前致辭使君一何愚使君自有婦羅敷自有夫
隴西行天上何所有歷歷種白榆桂樹夾道生青龍
對道隅鳳凰鳴啾啾一母將九雛顧視世間人為樂
甚獨殊好婦出迎客顏色正敷愉伸腰再拜跪問客
平安不請客北堂上坐客氍毹能清白各異樽酒上
正華疏二詩竝是跌音晉陶潛酬劉柴桑詩新葵鬱
北牖嘉穠養南疇今我不為樂知有來歲不游斜川
詩提壺接賓旅引滿更獻酬未知從今去當復如此
不宋鮑照松栢篇孝子撫墳號父子知來不欲還心
依戀欲見絕無由南齊釋寶月估客樂大編珂我頭
何處發揚州借問編上郎見僕所歡不則讀為府鳩
反矣晉書束皙傳汲郡人不準盜發魏襄王墓何

超音義不甫鳩反姓也焦竑曰濟南之華不注山吳興之餘不溪皆作趺音讀

裘
巨鳩切

古音渠之反詩終南首章終南何有有條有梅君子至止錦衣狐裘顏如渥丹其君也哉七月四章取彼狐狸為公子裘大東四章舟人之子熊羆是裘私人之子百僚是試左傳襄四年國人誦之曰臧之狐裘敗我於狐貍禮記樂記良冶之子必學為裘良弓之子必學為箕列子同呂氏春秋見上淮南子齊俗訓夫以一世之變欲以耦化應時譬猶冬被葛而夏被裘列女傳臧文仲書曰斂小器投諸台食獵犬組羊裘琴之合甚思之易林大過之困送我貂裘與福載來按裘字自魏文帝善哉行策我良馬被我輕裘始與憂為韻

仇

古音同上 詩免置二章肅肅免置施于中遠趙趙
武夫公侯好仇 賓之初筵見能字下 史記呂后
紀趙幽王友歌 龜策傳江河必起務求報仇自以為
兮託天報仇 侵因神與謀淫雨不霽水不可治若為枯旱風而揚
埃煌蟲暴生百姓失時王行仁義其罰必來 易夬
九三壯于頄蜀才本作仇 按仇字詩有二音免置
韻達秦無衣韻袍楚辭九章惜誦吾誼先君而後身
兮羌衆人之所仇也與讐為韻急就篇受賕枉法忿
起仇與曹聊流膠牢號求畱為韻漢張衡東京賦今
公子苟好勦民以媮樂忘民怨之為仇也與憂為韻
秦嘉述昏詩戰戰兢兢懼德不仇與由為韻魏王粲
登樓賦實顯敵而寡仇與憂洲流丘疇畱為韻贈文
叔良詩尚哉君子異于他仇與流為韻陳思王七啟

望雲際兮有好仇與由修愁為韻節游賦行觴爵於
好仇與騷儔游憂舟流愁為韻晉陸雲九愍獸悲號
以命旅鳥狂顧而鳴仇與流疇求為韻張歆頭責子
羽文我視子如仇與讐憂為韻至漢邊讓章華臺賦
爾乃攜窈窕從好仇徑肉林登糟丘則以仇丘二字
與流舟憂為韻

俅

古音同上 詩絲衣見上

罍 縛謀切

古音扶之反 史記秦始皇紀之罍東觀刻石文見
上 三秦記漢武帝栢梁臺詩帝曰日月星辰和四
時梁王曰騁駕駟馬從梁來大司馬曰郡國士馬羽
林材丞相曰總領天下誠難治大將軍曰和撫四夷

不易哉御史大夫曰刀筆之吏臣執之太常曰撞鐘
伐鼓聲中詩宗正曰宗室廣大日益滋衛尉曰周衛
焚戰禁不時光祿勳曰總領從官栢梁臺廷尉曰平
理清讞決嫌疑太僕曰修飭車馬待駕來大鴻臚曰
郡國吏功差次之少府曰來與御物主治之大司農
曰陳粟萬石楊昌箕執金吾曰徵道宮下隨討治左
馮翊曰三輔盜賊天下危右扶風曰盜阻南山為民
災京兆尹曰外家公主不可治詹事曰椒房率吏領
其材典屬國曰蠻夷朝賀常舍其將作大匠曰柱枅
構櫨相枝持大官令曰杞杷橘栗桃李梅上林令曰
走狗逐兔張置罟郭舍人曰鬻妃女脣甘如飴東方
朔曰迫窘詰屈幾窮哉漢揚雄羽獵賦荷垂天之
畢張竟壁之罟靡日月之朱竿曳彗星之飛旗放
雉兔收置罟麋鹿芻蕘與百姓共之張衡東京賦
故相如壯上林之觀揚雄騁羽獵之辭雖系以頽牆
填塹亂以收置解罟卒無補於風規祇以昭其愆尤

臣濟多以陵君忘經國之長基故園谷擊析於東西
朝顛覆而莫持魏陳思王七啟於是礧填谷塞榛
藪平夷緣山置置彌野張果下無漏跡上無逸飛鳥
集獸屯然後會圍漢武帝栢梁臺詩首用時字羣
臣屬和無出韻者上林令走狗逐兔張置果後人不
通音者謬改為果置近又或改為果愚可笑考秦簡
王詩體所載正作置果

謀
莫侯切

古音謀詩泉水首章馳彼泉水亦流于淇有懷于
衛靡日不思嬖彼諸姬聊與之謀氓首章見上
皇皇者華三章我馬維駒六轡如絲載馳驅周爰
咨謀十月之交五章抑此皇父豈曰不時胡為我
作不即我謀徹我牆屋田卒汙萊曰予不戢禮則然
矣小旻見上聲否字下巷伯二章哆兮侈兮成

是南箕彼譖人者誰適與謀
茶如飴爰始爰謀爰契我龜曰
大王有聲抑八章豐水有芑武
燕翼子抑十二章於乎小子告
庶無大悔易繫辭下傳見能字
八年聽與人之誦曰原田每每
哀五年萊人歌景公死乎不與
謀師乎師乎何黨之乎楚辭天
爰謀何羿之射革而交吞揆之
未兆易謀不召而自來緘然而
篇智者善謀不如當時心術上
之而自治強不能徧立智不能
冬夏天之時也山陵川谷地之
謀也勿引勿推福將自歸彼道
版法解篇與天下同利者天下
天下謀之莊子刻意篇不思慮
不豫謀先矣而不

耀信矣而不期知北游篇形若槁骸心若死灰真
其實知不以故自持媒媒晦晦無心而不可與謀
淮南子道應訓同荀子成相篇知不用愚者謀前
車既覆後未知更何覺時請牧祺明有基主好論
議必善謀五聽修領莫不理續主執持呂氏春秋
宣行篇夫不可知盜不與期賊不與謀求人篇賢
者所聚天地不壞鬼神不害人事不謀任地篇天
下時地生財不與民謀素問陰陽別論別於陽者
知病忌時別於陰者知死生之期謹熟陰陽無與衆
謀司馬法定爵篇進退無疑見敵無謀逸周書
大武解一鼓走疑二備從來三佐軍舉旗四采虞人
謀五後動撫之六韜發啟篇天道無決不可先倡
人道無災不可先謀必見天殃又見人災乃可以謀
鬼谷子抵巇篇世無可抵則深隱而待時有可抵
則為之謀漢賈誼鵬賦天不可與慮兮道不可與
謀遲速有命兮鳥識其時嚴忌哀時命夜炯炯而

不寐兮懷隱憂而歷茲心鬱鬱而無告兮衆孰可與
深謀歛愁悴而委情兮老冉冉而逮之史記李斯
傳時乎時乎間不及謀羸糧躍馬惟恐後時龜策
傳見上淮南子主術訓清靜無為則天與之時廉
儉守節則地生之財處愚稱德則聖人為之謀道
應訓周伯昌行仁義而善謀太子發勇敢而不疑中
子旦恭儉而知時汜論訓徐偃王知仁義而不知
時大夫種知忠而不知謀詮言訓不豫謀不棄時
與天為期文子同兵略訓故所鄉非所之也所
見非所謀也說林訓與死者同病難為良醫與亡
國同道難與為謀文子同見之明白處之如玉
石見之闇晦必留其謀文子同尸子孔子云誦
詩讀書與古人居讀書誦詩與古人謀鹽鐵論孔
子曰不通於論者難於言治道不同者不相與謀
王褒九懷思堯舜兮襲興幸咎繇兮獲謀悲九州
靡君撫軾歎兮作詩說苑權謀篇吾聞病之將死

也。不可為良醫國之將亡也。不可為計謀。夫子同
將將之臺。宵宵其謀我言。而不當諸侯伐之。談
叢篇五。聖之謀不如逢時。反質篇。信鬼神者失謀。
信日者失時。列女傳。晉文齊姜頌齊姜公正言行。
不怠勸勉。晉文反國無疑。公子不聽姜與犯謀。醉而
載之。卒成霸基。太玄經。斷測斷心滅斧內自治也。
冥斷否中心疑也。決其弊難利有謀也。彊測彊中
否貞不可與謀也。鳳鳥于飛。君子得時也。柱不中不
能正基也。玄衡進多謀積多財。揚雄廷尉箴。穆王
歷則編時律。歷交道聖人以謀。楊雄廷尉箴。穆王
耄荒甫侯伊謀。五刑訓天周以阜基。越絕書。請糴
內傳。臣聞春日將至。百姓從時。君王動大事。羣臣竭
力以佐謀。德序外傳。記身死不為醫邦。亡不為謀。
還自遺災。春秋命歷序。以文命者七九而衰。以武
興者六八而謀。魏李康運命論。引之同。論語比
考識。一曰河圖將來告帝。期二曰河圖將來告帝。謀

不自欺 吳越春秋臣聞君子侯時計不數謀死不被疑內
勉力留念深思惟至要言甚露昭昭不我欺 張衡
思玄賦結精遠游使心攜迴志竭來從玄謀獲我所
求夫何思 七辯在我聖皇躬勞至思參天兩地匪
急厥司率由舊章遵彼前謀正邪理謬靡有所疑
風俗通孔子曰雖明天子英惑必謀禍福之徵慎察
用之 漢龔州從事張表碑文天挺留侯應期佐治
與漢龍興誕發神謀 成陽靈臺碑文朝關克省帝
納其謀歲以春秋奉大牢祠 魏嵇康太師箴故殷
辛不道首綴素旗周胡敗度羸人是謀 抱朴子博
喻篇郢人美下里之淫龜而薄六莖之和音庸夫好
悅耳之華譽而惡利行之良規故宋玉舍其延靈之
精聲智士招其獨見之遠謀 說文媒謀也謀合二
姓也 韻補謀謨杯切周禮媒氏註媒之言謀也謀
合異類使和成者 按謀字自魏文帝煌煌京雒行

賢矣陳軫忠而有謀始與救為韻
以上字當與五支之半及六脂七之通為一韻

憂於求切

詩泉水四章思須與漕我心悠悠駕言出游以寫我
憂載馳首章驅馬悠悠言至于漕大夫跋涉我心
則憂免爰見覃字下蟋蟀三章蟋蟀在堂役車
其休今我不樂日月其惱無已太康職思其憂好樂
無荒良士休休唐揚之水見入聲鵲字下角弓
八章雨雪浮浮見見曰流如蠻如髦我是用憂民
勞見下易乾文言是故居上位而不驕在下位而
不憂左傳哀二十一年齊人歌見入聲覺字下
楚辭九歌山鬼風颯颯兮木蕭蕭思公子兮徒離憂
三略故士可下而不可驕將可樂而不可憂易
林屯之渙道路辟除南至東遼衛子善辭使國無憂
比之否失意懷憂如幽狴牢之大壯適戍失期

患生無聊懼以發憂閒藏閉塞邦國窮愁復之
見下大畜之漸大尾小腰重不可搖棟橈懷壞臣
為君憂大壯之晉鄭國讒多數被楚憂征夫愁苦
民困無聊萃之大過亂頭多憂搔蠱生愁膳夫仲
年使我無聊困之益童女無媒不利動搖安其室
廬傳母何憂歸妹之大有見下節之乾虎豹怒
咤慎戒外憂上下俱搔士民無聊家語子路初見
篇樂之方至樂而勿驕患之將至思而勿憂此以
下所引書但證其與蕭宵有豪同用者他不備引

優

禮記深衣要縫半下註要或為優

鹿

說文鑄从金鹿聲於刀切

耨

梁武帝籍田詩寅賓始出日律中方星鳥千畝土膏
紫萬頃陂色縹嚴駕佇霞昕裛露逗光曉殷行天猶
暗伐鼓地未悄蒼龍發蟠蜿青旂引窈窕仁化洽孩
蟲德令禁胎天耕籍乘月映遺滯指秋杪年豐廉讓
多歲薄禮節少公卿秉耒耜庶毗荷鉏耨一人慙百
王三推先億兆

耨
力求切

今此字兩收於五看十八尤部中

畱

楚辭離騷時續紛以變易兮又何可以淹留蘭芷變而不芳兮荃蕙化而為茅漢淮南小山招隱士獲狄羣嘯兮虎豹嘯攀援桂枝兮聊淹留攀援桂枝兮聊淹留虎豹鬬兮熊羆咆禽獸駭兮亡其曹王孫兮歸來山中兮不可以久留司馬相如大人賦世有大人兮在于中州宅彌萬里兮曾不足以少留悲世俗之迫隘兮竭輕舉而遠游乘絳幡之素蜺兮載雲氣而上浮建格澤之修竿兮總光耀之采旄垂旬始以為慘兮曳彗星而為髯靡屈虹而為綢紅香眇托以招搖檻橈槍以為旌兮靡屈虹而為綢紅香眇以玄潛兮焱風涌而雲浮史記滑稽傳男女雜坐行酒稽留六博投壺相引為曹王褒九懷望谿兮滿鬱熊羆兮吟嗥唐虞兮不存何故兮久留急就篇輒覺沒入檄報留通章皆用豪韻吳越春秋不仁者逃其仁者留晉左思吳都賦綸組紫絳食葛香茅石帆水松東風扶留楊方合歡詩衣用雙絲

綫寢共無縫綯子靖我不動子游我無畱釋名畱
牢也詩正義引春秋元命苞鼎之為言畱也按
畱字又與那通史記律書濁北至于畱畱者言陽氣
之稽畱也故曰畱八月也索隱曰畱即那也那古文
酉字漢書律歷志畱孰於酉

流

詩角弓見上常武五章如山之苞如川之流楚
辭九章惜往日臨沅湘之玄淵兮遂自忍而沈流卒
沒身而絕名兮惜龐君之不昭易林萃之師家在
急就篇縛束脫漏亡命流易林萃之師家在
隅繞旋深流伯氏難行無木以超漢班彪冀川賦徧
蒼木維流厥美可以達于瓜苞
五嶽與四瀆兮觀滄海以周流鄙臣恨不及事兮陪
後乘之下僚班固幽通賦妣聆呱而劾石兮許相

理而鞠條道混成而自然兮
思玄賦仰矯首以遙望兮
魂憊惘而無倚逼區中之
隘陋兮將北渡而宣游行
積冰之皚皚兮清泉洹而
不流寒風淒其永至兮拂
穹岫之騷騷玄武縮于殼
中兮騰蛇蜿而自糾魚矜
鱗而并凌兮鳥登木而失
條坐太陰之屏室兮慨含
歎而增愁怨高陽之相寓
兮佃顓頊而宅幽庸織路
於四裔兮斯與彼其何瘳
望寒門之絕垠兮縱余綵
乎不周王逸九思令尹
兮警警羣司兮譴譴哀哉
兮溷溷上下兮同流耶
鄆溥曹娥碑翩翩孝女載
沈載浮或泊洲渚或在
流或趨湍瀨或逐波濤
魏嵇康琴賦爾乃顛波奔
哭狂赴爭流觸巖觝隈鬱
怒彪休洶湧騰薄奮沫揚
濤澌汨澎湃蜚蜺相糾放
肆大川濟乎中州安迴徐
邁寂爾長浮劉劭趙都賦
擊靈鼓鳴籟蕭乘素波
鏡清流晉木華海賦魚則
橫海之鯨突抗孤游夏
巖嵒偃高濤茹鱗甲吞龍
舟翥波則洪連蹶蹈吹滂

則百川倒流顧愷之觀濤賦臨浙江以北春壯滄海之宏流水無涯而合岸山孤映而若浮既藏珍而納景且激波而揚濤

駢

漢書地理志華聊綠耳之乘聊即駢字

嘒

通鑑註上嘒村在寧海西北四十餘里今謂之上寮山

瀏

魏文帝述征賦伐靈鼓之礚礚甲卒之皓盱兮馳萬騎之瀏瀏今建長旗之飄飄曜

慘

今此字兩收於三宵十八尤部中

慟

詩月出二章月出皓兮佼人慟兮舒懷受兮勞心慟兮

秋

七由切

詩采芣二章彼采芣兮一日不見如三秋兮易林復之遯仲冬兼秋鳥散飲憂困於米食數驚鷓鴣魏甄后塘上行出亦復苦愁入亦復苦愁邊地多悲風樹木何蕭蕭今日樂相樂延年壽千秋晉陸機詩見下鄭曼季答陸士龍詩陟彼南山言采芣樂只君子邦家之翬克茂厥猶輜德是收聊道以儉

廣愛以周嗟我懷人永好千秋
說文本作𦵏从禾
魚省聲魚音焦 楊慎曰秋音鋏
漢揚雄羽獵賦秋
秋蹌蹌入西園切神光蕭該音七
遙反又荀子解蔽
篇引逸詩曰鳳凰秋秋其翼若干
其聲若簫秋與簫
為韻是其證也

𦵏

今此字三收於四宵十八尤三十五笑部中
楊慎曰今南方屯戍之處曰哨蓋吹𦵏以警守也

𦵏

春秋文九年楚子使椒來聘穀梁傳作𦵏子遙反又
子小反或作𦵏 玉篇𦵏且畱反又七肖反

𦵏

楚辭九辯見上

湫

平聲音椒 左傳楚椒舉國語作湫舉 史記伍子胥傳敗越于夫湫湫音椒

上聲則子小反 左傳莊十九年還及湫閔元年齊仲孫湫來省難成十八年王湫奔萊襄六年王湫帥

師昭元年勿使有所壅閉湫底三年湫隘囂塵十二

年恤恤乎湫乎攸乎十三年子服湫從竝音子小反

徐音秋釋文按子服湫又作子服椒史記越世家敗

之夫椒索隱曰椒本又作湫音酒小反伍子胥傳作

夫湫左傳楚椒舉國語作湫舉 史記封禪書湫淵

祠朝那索隱曰湫音子小反又音子由反漢書蘇林

音蔣蓼反 今此字四收於十八尤二十九篠四十

四有部中

鯀

亦作鯀 易林同人之益 巨蛇大鯀戰於國郊 君遂走逃

猶

以周切

詩小星二章 嘒彼小星 維參與昴 肅肅宵征 抱衾與
綢 實命不猶 采芑見下 斯干首章如竹芑矣如
松茂矣 兄及弟矣 式相好矣 無相猶矣 小旻見上
聲咎字下 鼓鐘三章 鼓鐘伐鼗 淮有三洲 憂心且
妯娒 人君子 其德不猶 白華二章 英英白雲 露彼
菅茅 天步艱難 之子不猶 禮記禮器引詩云 匪革
其猶 韋追來孝 檀弓人喜則斯陶 陶斯咏 咏斯猶 鄭
氏曰 猶當為搖 搖謂身動 搖也 秦人猶搖聲相近 爾
雅註 猶即錄也 古今字耳 古時猶與搖同一音故
玉篇 遙字又音弋周切

悠

詩泉水載馳竝見上楚辭大招東有大海溺水
漑只螭龍竝流上下悠悠只霧雨淫淫白皓膠只魂
乎無東湯谷宗寥只漢王褒九懷將息兮蘭皋失
志兮悠悠紛蘊兮徽黷思君兮無聊身去兮意存愴
恨兮懷愁王逸九思倚此兮巖穴永思兮窈窕嗟
懷兮眩惑用志兮不昭說苑辨物篇引詩悠悠我
思作遙遙

油

史記宋世家箕子歌麥秀漸漸兮禾黍油油彼狡童
兮不與我好兮

攸

說文條鑒條皆以攸得聲

由

禮記禮運鬼神以為徒故事可守也五行以為質故事可復也禮義以為器故事行有考也人情以為田
故人以為與也四靈以為畜故飲食有由也楚辭
九章惜往日見幽字下張昭曰說文無由即粵古
文省也今作兩字矣

游

楚辭大招見上

游

俗作遊 詩泉水見上 江漢首章江漢浮浮武夫
滔滔匪安匪游淮夷來求 常武三章匪紹匪游徐
方繹騷 宋玉高唐賦見下 漢司馬相如大人賦
見上 淮南子原道訓循天者與道游者也隨人者
與俗交者也 文子同 人間訓知天而不知人則
無以與俗交知人而不知天則無以與道游 文子
同 易林歸妹之大 有依宵夜遊與君相遭除解煩
惑使心不憂 王逸九思心煩憤兮意無聊嚴載駕
兮出戲遊周八極兮歷九州 張衡思玄賦見上
晉木華海賦見上 張昭曰游以於聲破體作游
又因古文選譌作遊諸書正俗各出分屬二意非是

繇

書禹貢厥草惟繇厥木惟條 揚雄大司農歲見下
詩民勞箋繇役煩多繇本亦作徭 禮記檀弓註

謂時繇役繇本亦作徭 王制註不給其繇役繇本
亦作徭 雜記下註謂給繇役繇本亦作徭 史記
吳太伯世家子周繇立正義曰繇音遙又音由 蘇
秦傳二日而莫不盡繇索隱曰音搖搖動也 東越
傳繇君丑索隱曰繇音搖 漢書高帝紀高祖常繇
咸陽師古曰繇讀曰徭古通用字凡漢書徭字皆作
繇 楊慎曰繇音搖古尚書皋陶作咎繇周禮追師
註步搖作步繇

揄

詩生民七章或舂或揄或簸或蹂釋之叟叟烝之浮
浮按此字不當从俞依周禮作枕為是 禮記玉藻
夫人揄狄註揄讀為搖 雜記上夫人稅衣揄狄揄
音遙 喪大記揄絞揄音遙

啾

即由切

漢淮南小山招隱士歲暮兮不自聊蟋蟀鳴兮秋秋

箇

自秋切

釋名曹箇也

箇

周禮註稻醴清酒音槽沈子由反今此字兩收於

脩

息流切

詩中谷有蓀二章中谷有蓀暎其脩矣有女仳離條其獻矣條其獻矣過人之不淑矣獻音蕭淑音人遙反脩呂氏春秋辨土篇寒則雕熟則脩詩鵲鵲予尾脩脩唐石經作脩脩

欽定四庫全書

唐韻正
六

三四

修

漢王褒九懷見下
邯鄲淳曹娥碑辭何者大國防
禮自修豈況庶賤露屋艸茅
晉陸雲夏府君誄見下

抽

丑鳩切

詩清人三章清人在軸
駒介陶陶左旋右抽中軍作
好說文作左旋右搗土刀切
晉嵇康思親詩奈何
愁兮愁無聊恒惻惻兮心若抽

瘳

詩風雨二章風雨瀟瀟
雞鳴膠膠既見君子云何不
瘳漢揚雄大司農箴秦收太中二世不瘳泣血之

求海內無聊農臣司均敢告執絲
張衡思玄賦見

妯

詩鼓鐘見上

周

職流切

詩下泉二章冽彼下泉浸彼苞蕭愜我寤歎念彼京
周易林嗑之巽東家殺牛汙臭腥臊神皆西顧
命絕衰周漢杜篤吳漢誅堯隆稷契舜嘉皋陶伊
尹左殷呂尚翼周張衡思玄賦見上李尤辟雍
賦見下晉陸雲夏府君誄文武未墜君惟克修百
行殊揆君望斯周栖儀初九戢翼洪條瓊輝四灼景
問綢繆贈顧驃騎詩見幽字下鄭曼季答陸士
龍詩見上白虎通四十五日不周風至不周者不

交也春秋考異郵同山海經周僦國一名僬僥
國國語作僬僥說文調蜩彫凋凋皆以周得聲

州

左傳襄四年虞人之歲曰芒芒禹迹畫為九州經啟
九道民有寢廟獸有茂草各有攸處德用不擾在帝
夷羿冒于原獸忘其國恤而思其麇牡漢司馬相
如大人賦見上王褒九懷林不容兮鳴蜩余何留
兮中州陶嘉月兮總轡寧玉英兮自修揚雄豫州
牧箴夏宅九州至於季世放于南巢王逸九思見
上魏嵇康琴賦見上

洲

詩鼓鍾見上張昭曰州為重川本洲渚字後人加
水以別州縣經典亦承其譌也

舟

詩篤公劉二章何以舟之維玉及瑤鞞琿容刀
晉木華海賦見上
考工記刮摩之工玉櫛雕矢磬
註故書雕或為舟
說文朝从軛舟聲

輶

考工記註摯輶也輶音周又音弔

讎

市流切

詩采芑四章螽爾蠻荆大邦為讎方叔元老克壯其
猶方叔率止執訊獲醜
抑六章無言不讎無德不
報

酉

詩彤弓三章彤弓昭兮受言橐之我有嘉賓中心好之鍾鼓既設一朝醕之瓠葉四章有兔斯首燔之炮之君子有酒酌言醕之

醜

詩遵大路二章遵大路兮慘執子之手兮無我醜兮不寔好也

采

耳由切

詩采芣四章采芣其芣采芣思采彼交匪教萬福來求絲衣兕觥其觶旨酒思采不吳不教胡考之休說文採从犬采聲

收式州切

晉陸機詩恢恢天網飛沈星收爰茲下臣騰光清霄

鄭曼季答陸士龍詩見上

鳩居求切

宋玉高唐賦薄州靡靡聯延天夫越香掩掩衆雀敷
救雌雄相失哀鳴相號王雌鸛黃正冥楚鳩姊歸思
婦壘雞高巢其鳴啾啾當年遊更唱迭和赴曲隨
流莊子音義滑鳩一名滑雕水經註發鳩山淮
南子謂之發苞山

疝

今此字三收於十八尤二十幽三十一巧部中

杻

爾雅釋木下句曰杻上句曰喬

𠂔

說文器訓皆以𠂔得聲

搜
所鳩切

亦作搜莊子景曰搜搜也搜音素口反又素刀反又音蕭越王子搜音素焦反

鄼

左傳文十一年鄼瞞侵宋鄼所求反一音先牢反

愁

士尤切

當作士猶

楚辭九章悲回風憐思心之不可懋兮證此言之不
可聊寧溘死而流亡兮不忍此心之常愁戰國策
蘇秦說秦惠王上下相愁民無所聊漢書景十三
王傳廣川王去歌愁莫愁生無聊王褒九懷見上
見易林乾之噬嗑堅冰黃鳥常哀悲愁不見甘粒但
見藜蒿數驚鷙鳥為我心憂比之大壯適戌失期
患生無聊懼以發憂開藏閉塞邦國窮愁萃之大
過見上劉向九歎白露紛紛以塗塗兮秋風瀏瀏
以蕭蕭身永流而不還兮魂長逝而常愁張衡思
玄賦見上魏甄后塘上行見上道藏詩椿齡會
足衰劫往豈足遼虛刀揮至空鄙滯五神愁

休

許尤切

當作許猶

詩蟋蟀桑扈竝見上民勞二章民亦勞止汔可小
休惠此中國以為民速無縱詭隨以謹悛式遏寇
虐無俾民憂無棄爾勞以為王休江漢六章虎拜
稽首對揚王休作召公考天子萬壽首休考壽同為
一韻絲衣見上淮南子修務訓達略天地察分
秋毫稱譽葉語至今不休易林鼎之困登高望家
役事未休王事靡盬不得逍遙魏嵇康琴賦見上
晉陸機演連珠臣聞傾耳求音眡憂聽苦澄心徇
物形逸神勞是以天殊其數雖同方不能分其感理
塞其通則竝質不能共其休陸雲贈奚世都詩善
問伊何惠音孔韶肇允衡門翻飛宰朝肅雍芳林芬
響凌霄穆矣和風育爾清休贈鄭曼季詩鸞栖高
岡耳想雲韶拊翼墜夕和鳴興朝我之思之言懷其
休

聚

史記貨殖傳木器髹者千枚徐廣曰髹音休正義曰
又音許昭反漢書外戚傳殿上髹漆師古曰髹音
許求反又音許昭反

囚 侶由切

詩津水五章淑問如皋陶在津獻囚 易林遯之既
濟鑑基逢時稷契皋陶貞良得願微子解囚

槽

本註又在交切今三肴部不收

儔 直由切

漢王褒九懷決莽莽兮究志懼吾心兮儔儔步余馬
兮飛柱覽可與兮匹儔 張衡思立賦見上 卽鄆

淳曹娥碑辭或有剋面引鏡芳耳用刀坐臺待水抱
樹而燒於戲孝女德茂茂此儔魏劉楨魯都賦畫藏
宵行俯仰哮咆禽獸布甌失偶喪儔楊慎曰史記
龜策傳上有儔著下有神龜索隱云儔音稠左傳八
元八凱有儔戴漢書藝文志有公儔生師古曰儔直
由反其字從木霍去病傳從至儔余山師古曰儔音
籌其字從木獨孟子儔杞之儔今音濤蓋因陸德明
九經釋音而誤也賈逵曰儔杞凶頑無儔匹之貌以
此證之則儔杞之儔亦當音稠愚按儔濤二字古人
同為一音蓋此韻與蕭宵有豪如佳皆灰咍之與支
脂之微齊耳今吳人凡儔侶之儔皆呼為桃今
此字兩收於十八尤二十七号部中

儔

禮記檀弓天子龍輅而樽儔諸侯輅而設儔音大報
反喪大記大夫殯以儔櫛至于西序儔音道中

庸辟如天地之無不持載無不覆
工記輪人欲其憊之廉也憊音疇
又音導左傳襄
二十九年如天之無不憊也憊徒報反
收於十八尤二十七号部中今此字兩

稠

詩小星見上 郭璞註方言稠丁牢反 史記魯世家魯人立齊歸之子稠為君徐廣曰稠一作招 楊慎曰今關中人呼寢褥為條子 今此字兩收於六豪十八尤部中

綢

漢司馬相如大人賦見上 禮記檀弓綢練設旒綢音吐刀反 徐直留反 明堂位夏后氏之綢練綢音吐刀反 爾雅釋天素錦綢杠疏綢韜也 漢書司馬相如傳靡屈虹而為綢註綢韜也 今此字兩收

於六豪十八尤部中

稠

晉陸機答賈謐詩昔我逮茲時惟下僚及子棲遲同
林異條年殊志比服并義稠遊跨三春情固二秋
莊子可謂稠適而上遂矣稠音調本亦作調

疇

周禮司几筵註敦讀曰燾音導劉音疇

儵

趙宦光曰詩鰈鰾鰻鯉即此字本作儵 玉篇儵徒
堯直流二切

禱

楊慎說見上
左傳文十八年禱戲音直由反韋昭
音桃漢書古今人表師古音嘑
今此字兩收於六
豪十八尤部中

調
張流切

今此字兩收於三蕭十八尤部中

求
巨鳩切

詩桑扈見上
下武見孚字下
江漢見上
漢司馬相如大人賦煥然霧除霍然雲消邪絕少陽而登
太陽兮與真人兮相求
急就篇之興猥逮詞護求
揚雄太常箴弗祈弗求惟德之報

述

詩民勞見上

練

禮記王制周人養國老於東膠膠或作練
廣韻失收觥字桑扈絲衣竝見上

浮

縛謀切

當作縛牟

詩角弓江漢竝見上
如物之浮如風吹毛
漢素問平人氣象論死肺脈來

邯鄲淳曹娥碑辭見上
華海賦於是鼓怒濞浪揚浮更相觸搏飛沫起濤
晉木

顧愷之觀濤賦見上
春秋隱八年公及莒人盟于
浮來公羊穀梁二傳竝作包來
禮記投壺若是者

浮註浮或作飽鹽鐵論李斯與苞丘子同事荀卿
苞丘子即浮丘子也漢書楚元王傳云浮丘伯者孫
卿門人

罍

見虞韻

煇

呂氏春秋其君令煇人養之註煇猶庖也

眸

莫浮切

釋名眸冒也相裏冒也

矛

詩無衣首章宜

曰無衣與子同袍王于興師修我戈
矛與子同仇
釋名矛冒也刃下冒矜也

鑿

詩旄丘字林作鑿以周反又音毛

鑿

急就篇鐵鈇鑽錐釜鉞鑿鍛鑄鉛錫鎗錠錐註鑿叶
音毛

髻

本註或作髻 書牧誓及庸蜀羌髻一音毛
以上字當與三蕭四宵五肴六豪通為一韻 按此

韻中字可不必改音亦如佳皆灰咍之與支脂之微齊也

按唐韻十八尤十九侯二十幽十九侯則全入魚虞模鄭羔裘首章之侯無羊二章之候行葦三章之候山有樞首章之婁是也二十幽則全入蕭宵有豪隰桑三章之幽角弓七章之漙是也十八尤則有入支脂之微齊佳皆灰咍者載馳四章四月四章之尤綠衣三章之詵賓之初筵四章之郵黍苗二章絲衣之牛岷首章巷伯七章之丘絲衣之紃終南首章大東四章之裘兔置二章賓之初筵二章之仇絲衣之俅泉首章氓首章皇皇者華三章十月之交五章小旻五章巷伯二章絲三章之謀是也有入蕭宵有豪者泉水四章載馳首章兔爰二章蟋蟀三章唐揚之水二章角弓八章民勞二章之憂月出二章之擻角弓八章常武五章之流采芣二章之秋小星二章采芣四章斯干首章小旻三章鼓鍾三章白華二章之

猶泉水四章載馳首章之悠泉水四章江漢首章常
武三章之遊清人三章之抽鼓鍾三章之妯風雨二
章之瘳下泉二章之雛彤弓三章瓠葉四章之疇遵大路
之舟抑六章之雛彤弓三章瓠葉四章之疇遵大路
二章之魏桑扈四章絲衣之采芣苢三章桑扈四章
民勞二章江漢六章絲衣之休泮水五章之囚小星
二章之稠桑扈四章江漢首章之求民勞二章之述
桑扈四章絲衣之觶角弓八章江漢首章之浮秦無
衣首章之矛是也其入支而又入蕭者一字秦無衣
首章以仇韻袍是也即唐韻之三部一求之於三
百篇而其中條理粲然可覩漢以下每多混用唐人
因此註曰同用至宋末劉淵遂併為一韻矣
人按尤牛等字與憂流州鳩本不相通而漢人於支
韻中字往往混讀人此且如史記龜策傳白雲壅漢
萬物盡留斗柄指日使者當囚玄服而乘輜車其名
為龜王急使人問而求之揚雄荊川牧箴夏后遭鴻

荆衡是調雲夢塗泥包匭菁茅金玉砥礪象齒元龜
貢篚百物世世以饒班固幽通賦媯巢姜於孺筮兮
旦算祀于契龜宣曹興敗於下夢兮魯衛名諡於銘
謠妣聆呱而劾石兮許相理而鞠條道混成而自然
兮術同原而分流張衡西京賦然後釣魴鯉纚鯉鮪
撫紫貝搏著龜溫水豹舄潛牛澤虞是濫何有春秋
李尤辟雍賦是以乾坤所周八極所要夷戎蠻貊僖
耳哀牢重譯響應抱珍來朝南金大璐玉象犀龜宋
讀曲歌朝日光景開從君良燕遊願如卜者策長與
千歲龜則讀龜為鵠矣魏王粲從軍行館宅光廛里
士女滿九廛自非聖賢國誰能享斯休則讀廛為求
矣今十八尤韻中亦收龜廛二字而後人獨從支韻
然則尤牛等字正與此一例特編韻者不曾收入五
支以致混入此韻千年未正耳揚慎謂王粲詩廛字
當从九从箇者謬又尤煩二字亦兩收於六脂十八
尤部中

漢人用此韻之誤且最多者無若班婕妤自悼賦前
以時思詩郵茲滋災期與周求幽流休為韻後以曄
秦期之與流憂浮休為韻其它詩文亦多出入二韻
至晉宋以下而尤牛等字始合於憂流州鳩與支脂
之判然為二矣

鄒則鳩切

古音則俱反公羊傳邾婁即鄒字以一字為二字
孟子題辭邾國至孟子時魯穆公改曰鄒元戴侗
六書故曰邾鄒同聲實一字也春秋時邾莒用夷故
邾謂之邾婁合邾婁之音為鄒也漢韋玄成自劾
詩嗣王孔佚越遷于鄒五世曠寥至我節侯說文
鄒从邑芻聲今三原涇陽人讀朱諸等字皆為則
鳩反正同此誤亦作騶史記吳世家王夫差九年
為騶伐魯索隱曰左傳騶作邾杜預註左傳亦曰邾

鄒

今魯國駟縣是也駟邦聲相近自亂耳駟宜音邦
上聲則音聚史記孔子世家如顏濁鄒之徒正義
曰濁音卓鄒音聚晏子書作燭鄒左傳有齊大夫顏
涿聚呂氏春秋顏涿聚梁父之大盜也學於孔子

藪

古音同上孔叢子孔子回車操巾車命駕將適唐
都黃河洋洋攸攸之魚臨津不濟還轅息鄒傷予道
窮哀彼無辜翱翔于衛復我舊廬從吾所好其樂只
且今此字三收於十八尤九虞二十四緩部中

藪

古音同上說文藪从艸取聲今此字三收於二
十六桓十八尤十過部中

古音同上

說文𩇛从齒取聲

駟

古音同上 淮南子原道訓是故大丈夫恬然無思
澹然無慮以天為蓋以地為輿四時為馬陰陽為駟
乘雲陵霄與造化者俱縱志舒節以馳大區可以步
而步可以驟而驟注駟御也御字正釋駟字而今本
為不通音者竟改本文駟字為御按韻補引此正作
駟漢書叙傳舞陽鼓刀滕公廢駟頴陰商販曲周
庸夫攀龍附鳳並乘天衢南齊書王融傳車前無
八駟何得稱丈夫說文駟从馬芻聲毛晃韻略
十虞部增入此字引禮記曲禮車驅而駟讀為趨荀
子書中趨中韶護凡三見其一作駟

耶

古音同上 說文邛从邑取聲 以上六字當改入
虞韻 廣韻芻側隅切正與郇字同音今人讀芻為
七于反讀郇為則鳩反蓋兩誤耳

十九侯

古與九魚十虞十一模通為一韻

侯

戶鉤切

古音胡 詩載馳首章載馳驅歸言衛侯按此詩
自驅馬悠悠以下別是一韻 鄭羔裘首章羔裘如
濡洵直且侯彼其之子舍命不渝 左傳昭二十五
年鸛鵒跕跕公在乾侯徵褰與襦 管子輕重甲篇
有餘富無餘乘者責之卿諸侯足其所不賂具游者
責之令大夫 莊子胠篋篇竊鉤者誅竊國者為諸

侯盜跖篇小盜者拘大盜者為諸侯史記朝鮮
傳荀彘爭勞與遂皆誅兩軍俱辱將率莫侯矣游
使傳竊鉤者誅竊國者侯韓詩外傳故亡國之社
以戒諸侯庶人之戒在於桃父淮南子主術訓故
桓公三舉而九合諸侯紂再舉而不得為匹夫泰
族訓濁亂天下撓滑諸侯使百姓不遑啟居易林
師之升范子妙材戮辱傷膚然後相國封為應侯
泰之益鳳皇街書玄珪賜我封為晉侯大有之隨
見下謙之巽季姜跖蹢待孟城隅終日至旦不見
齊侯睽之坤實沈參虛封為晉侯升之鼎衣裳
顛倒為王來呼成就東周封受大侯越絕書記吳
王占夢見兩錐炊而不蒸者大王聖氣有餘也見兩
黑犬嚙以北嚙以南四夷已服朝諸侯也兩錐倚吾
宮堂夾田夫也見流水湯湯越吾宮牆獻物已至則
有餘也漢揚雄長楊賦且旨者不見咫尺而離婁
燭千里之隅客徒受胡人之獲我禽獸曾不知我亦

已獲其王侯 反離騷有周氏之嬋媽兮或鼻祖於
汾隅靈宗初謀伯僑兮流于末之揚侯 司空箴
莊九州都鄙盈區網以羣牧綴以方侯 解嘲夫上
世之士或解縛而相或釋褐而傳或倚夷門而笑或
橫江潭而漁或七十說而不遇或立談而封侯或枉
千乘於陋巷或擁篲而先驅 漢書鼂錯傳見奢字
下 元后傳贊五將十侯卒成新都 叙傳抑抑仲
舒再相諸侯身修國治致仕縣車下帷 覃思論道屬
書謹言訪對為世純儒 張衡西京賦增昭儀於婕
妤賢既公而又侯許趙氏之無上思致董於有虞
魏應璩詩漢末桓帝時郎有馬子侯自謂識音律請
客鳴笙竽為作陌上桑反言鳳將雛左右偽稱善亦
復自搖頭 晉張載登成都白菟樓詩見下 夏侯
湛抵疑德入殷王義感齊侯故伊尹起庖厨而登阿
衡甯戚出車下而階大夫 魏書高車傳處女謠求
良夫當如倍侯 韻補侯洪孤切史記霍去病傳斬

盧胡王漢書作盧侯王水經注侯甲水發原平縣
胡甲山有長坂謂之胡甲嶺即劉歆遂初賦所謂越
侯甲而長驅者也蔡邕曰侯甲亦邑名也在祁縣
楊慎曰侯音胡呂氏春秋令侯溲過而弗辭侯讀為
胡字漢司馬相如封禪頌君乎侯不邁哉侯即
徒缺口而長鬚八竅而跌居獨取其髦簡牘是資天
下具同書秦其遂兼諸侯乎所用牙字侯字竝合古
音資字不入韻又按禮記樂記區萌達區古侯反
古胡音拘左傳昭三年二十六年豆區釜鍾昭七年
我先君文王作僕區之法區竝音烏侯反十三年治
區夫區音烏侯反一音丘于反哀十三年盜殺陳夏
區夫區音烏侯反烏胡音謳今人讀區萌之區為古
牙豆區之區為烏牙乃因侯而誤也魏文帝孟津讌
詩良辰啟初節高會極歡娛通天拂景雲俯臨四達
衢羽爵浮象樽珍膳盈豆區清歌發妙曲樂正奏笙

等曜靈忽西邁炎燭繼望舒翊日浮黃河長驅旋鄴
都可見爾時古音尚未改也至晉宋之間則升驅驅
亦讀為苦矛反宋讀曲歌非歡獨慊慊儂意亦驅驅
雙燈俱時盡奈許兩無由可見其音之變矣

喉

古音同上 元戴侗六書故曰喉亦謂之胡今俗謂之
胡龍漢書金日磾傳捫胡投何羅殿下後漢書五行
志請為諸君鼓龍胡胡喉一聲也

鑄

古音同上 詩行葦三章敷弓既句既挾四鑄四鑄
如樹序賓以不侮 急就篇鈹戟鈹鎔劍鐔鑄與投
為韻

猴

古音同上 今人呼猴獼為胡獼

獼

古音同上 詩無羊二章何蓑何笠或負其獼三十
惟物兩牲則具

謳

烏侯切

古音於胡反 易林小畜之訟委蛇循流東求大魚
豫且舉網庖人歌謳 魏陳思王贈丁翼詩嘉賓填
城關豐膳出中厨吾與二三子曲宴此城隅秦箏發
西氣齊瑟揚東謳有來不虛歸觴至反無餘 卞蘭
許昌宮賦趙女撫琴楚媛清謳秦箏慷慨齊舞絕殊
陸機吳趨行楚妃且莫歎齊娥且莫謳四坐竝清

聽聽我歌吳趨
軌讀香于反
說文謳从言區聲
莊子大宗師篇需役聞之於謳李

謳

古音謳
靈樞經見入聲漬字下
鵠冠子泰錄篇
故成形而不變者度也未離已而在彼者狎謳也
說文謳从水區聲

歐

古音紆
說文歐从欠區聲

區

古音驅
豈俱切
註云漢有長沙賊區星胡三省註按唐韻區音
景又音烏侯切
今此字

兩收於十虞十九侯部中

醢

古音姬 漢張衡南都賦悒悒醢讌李善音乙據切

鷗

古音紆 說文鷗从鳥區聲

褊

古音同上 說文褊从衣區聲 今此字四收於十虞十九侯四十五厚五十候部中

區

古音同上 說文區从艸區聲 今此字兩收於十
虞十九侯部中

甌

古音同上 漢書叙傳西南外夷種別域殊南越尉
佗自王番禺攸攸外寓閩越東甌爰泊朝鮮燕之外
區漢興柔遠與爾剖符 史記匈奴傳東胡與匈奴
間中有棄地莫居千餘里各居其邊為甌脫漢書蘇
武傳作區脫 說文甌从瓦區聲

魏

奴鉤切

孺

古並音人朱反 說文孺从犬需聲 今此二字兩
收於十虞十九侯部中

樓落戾切

卷六

古音閭急就篇芎窮厚朴桂栝樓通章皆用模韻
漢豔歌羅敷行日出東南隅照我秦氏樓秦氏有
好女自名為羅敷羅敷善採桑採桑城南隅青絲為
籠係桂枝為籠鉤頭上倭墮髻耳中明月珠相綺為
下帟紫綺為上襦行者見羅敷下擔將髭鬚少年見
羅敷脫帽著幘頭耕者忘其犁鋤者忘其鋤來歸相
怨怒但坐觀羅敷崔駰七依反宇垂阿洞門金鋪
丹柱雕楹飛閣層樓大將軍臨維觀賦濱曲雖而
立觀營高壤而作廬處崇顯以間敞超絕鄰而特居
列阿閣以環匝表高臺而起樓步輦道以周流臨軒
檻以觀魚李尤平樂觀賦徒觀平樂之制鬱崔嵬
以離婁赫巖巖其奎嶺紛電影以盤盱彌平原之博
敞處金商之維陬大厦累而鱗次承宮堯之翠樓過
洞房之轉閣歷金環之華鋪王延壽魯靈光殿賦

見去聲構字下魏文帝登城賦孟春之月惟歲權
輿和風初暢有穆其舒駕言東邁陟彼城樓逍遙遠
望乃欣以娛晉張載登成都白菟樓詩重城結曲
阿飛宇起層樓累棟出雲表境藥臨太虛高軒啟朱
扉迴望鳴八隅西瞻岷山崩岷峨侶荆巫蹲鵠蔽地
生原隰殖嘉蔬雖遇堯湯世民食恒有餘鬱鬱小城
中岌岌百族居街衢紛綺錯高甍夾長衢借問揚子
舍想見長卿廬程卓累千金驕侈擬五侯門有連騎
客翠帶腰吳鉤鼎食隨時進百和妙且殊披林採秋
橘臨江釣春魚黑子過龍醢果饌踰蟹螯芳茶冠六
清溢味播九區人生苟安樂茲土聊可居張協玄
武館賦爾乃地勢夷敞既膏且腴環以翠林帶以赤
渠尋厥先之攸基實張氏之舊墟何魏后之周覽遂
築館而起廬既號玄武是曰石樓黃庭經蔽以紫
宮丹城樓俠以日月如明珠水經注高奴縣民俗
語訛謂之高樓城

婁

卷六

古音同上 詩山有樞首章山有樞隰有榆子有衣
裳弗曳弗婁子有車馬弗馳弗驅究其死矣他人是
愉 莊子徐無鬼篇有暖姝者有濡需者有卷婁者
漢李尤平樂觀賦見上 魏何晏景福殿賦茹莖
倒植吐被芙蓉渠縵以藻井編以綈疏紅葩鞞蘇丹綺
離婁茵茵葩翕纖縵紛敷繁飾衆巧不可勝書 晉
陸機白雲賦長城曲蛇采閭相扶聳瑤臺之截薛構
瓊闥之離婁 公羊傳隱元年公及邾婁儀父盟于
昧婁力俱反邾人語聲後曰婁故曰邾婁 禮記檀
弓邾婁復之以矢婁力俱反 左傳僖十八年衆不
可而從師于訾婁婁音郎句反又郎鉤反 襄十四
年執莒公子務婁婁力侯反或力俱反 二十六年
及霄婁婁徐音力俱反 漢書宣帝紀右賢王銖婁渠堂師
婁徐音力俱反

婁

古曰婁音力于反 勾奴傳同 王子侯表婁節侯
退師古曰婁音力朱反 地理志 雩婁師古曰婁音
力于反 說文 婁 婁 婁 數皆以婁得聲 今此字
兩收於十虞十九侯部中
上聲則音呂 公羊傳 昭二十五年且夫牛馬維婁
婁音力主反 疏引舊說云 婁者侶也 謂聚之於廐 婁
去聲則音屢 詩 屢 顧爾僕 君子屢盟 屢舞 僊 屢
豐年本皆作婁 角弓 式居婁 驕婁 王音力住反 數
也 禮記 郊特牲 孔子婁歎之 婁力住反 本又作屢
漢書 宣帝紀 婁蒙嘉瑞 師古曰 婁古屢字 凡漢書
屢字皆作婁 說文 屢字註曰 今之婁字本是屢空
字 其上尸字後人所加

古音同上 詩 漢 廣 三 章 翹 翹 錯 薪 言 刈 其 婁 之 子
于 歸 言 秣 其 駒 考 工 記 輪 人 註 等 為 萬 婁 以 運 輪

上萑音良主反史記建元以來王子侯者年表萑
安侯邈索隱曰萑音力俱反楚世家萑路藍萑左
傳作萑路藍縷後漢書王常傳與丹印收散卒入
萑駱萑音力于反馮異傳至饒陽無萑亭萑音力
于反今此字三收於十虞十九侯九麋部中

鄴

腰

古音竝同上今此二字兩收於十虞十九侯部中

螻

古音同上呂氏春秋盡數篇戶樞不腐流水不螻
魏公卿上尊號奏且有熊之興地出大螻夏后承

統木榮冬敷殷湯革命白狼銜鉤

樓

古音呂 音書地理志羸樓 樓音力口反又音力主反 今此字兩收於十九侯九虞部中

樓

古音同上 左傳見上聲走字下 今此字三收於十九侯九虞五十候部中

鸛

古音閣 爾雅鸛鸛鸛鸛力于切 今此字兩收於十虞十九侯部中

樓

瞽

古音同上 左傳定十四年既定爾婁豬字林作瞽
力付反 今此字兩收於十虞十九侯部中

古音同上 今此字兩收於十虞十九侯部中

樓

古音呂 今此字兩收於十九侯九虞部中

樓

古音閭 今此字兩收於十虞十九侯部中

樓

古音同上 今此字三收於十虞十九侯九麌部中

簞

古音同上 急就篇徒簞箕帚筐篋簞與篠為韻
方言車枸簞郭璞解簞音縷 今此字三收於十九
侯九麌四十五厚部中

縷

古音同上 今此字兩收於十虞十九侯部中

護

古音呂 漢王逸九思周徘徊兮漢渚求水神兮靈
女嗟此國兮無良謀女誣兮謹護 今此字三收於

十九侯九虞四十五厚部中

彊 恪侯切

古音恪俞反 說文彊从弓區聲 春秋哀十三年
盜殺陳夏區夫 公羊傳作彊

摳

古音同上 列子以瓦摳者巧以鉤摳者憚以黃金
摳者憚摳字莊子作注 說文摳从手區聲 今此
字兩收於十虞十九侯部中

陬 子侯切

古音子胡反 漢張衡南都賦若夫天封大狐列仙
之陬上平行而曠蕩下蒙籠而崎嶇坂坻嵒薛而成

其隅崑崙錯繆而盤紆芝房菌蠢生其隈玉膏滋溫流
嗽谿壑錯繆而盤紆芝房菌蠢生其隈玉膏滋溫流
上王延壽魯靈光殿賦見去聲構字下晉束皙
補亡白華詩白華絳趺在陵之陬蒨蒨士子涅而不
渝竭誠盡敬疊疊忘劬唐韓愈南海神廟碑文海
嶺之陬既足既濡胡不均弘俾執事樞漢書西域
傳昆莫欲使其孫岑陬尚公主史記大宛傳作岑娶
說文陬从自取聲今此字三收於十虞十八尤
十九侯部中
十虞部中諷字下音曰子于切謀也又子侯切而侯
部則無此字當是傳寫脫漏又諉字廣韻未收太玄
經事次二事在樞不咨不諉喪其哲符

撮

古音同上左傳襄二十五年陪臣干掇徐音子俱
反史記齊太公世家作陪臣爭趨昭二十年賓將

擷周禮掌固註引之作賓將趣於十虞十九侯部中擊也从手取聲

緦

古音同上 說文緦从糸取聲 今此字三收於十八尤十九侯十遇部中

楸

古音同上 說文楸从木取聲

儉

託侯切

古音儉 老子建德若儉質直若渝大方無隅 易林鼎之震老猾大儉東行盜珠 漢張衡東京賦敬慎威儀示民不儉我有嘉賓其樂愉愉聲教布濩盈溢天區 周禮大司徒六曰以俗教安則民不儉儉

音愉註愉謂朝不謀夕考工記弓人苟有賤工註
苟愉也禮記坊記註言不愉於死也愉音愉本亦
作愉左傳襄十五年能官人則民無覲心覲即愉
字公羊桓七年傳註故舊不遺則民不愉愉本又
作愉家語法無私而冷不愉王肅註愉宜為愉
呂氏春秋雖今愉可後將無復愉一作愈韻補愉
容朱切詩他人是愉鄭氏曰愉讀曰愉愉取也漢書
志作愉顏師古亦音愉張弼曰愉即愉之俗改後
作兩字非是然愉尚讀作愉竝可與俗愉俱證古音
矣

愉

古音同上漢張衡西京賦爾乃逞志究欲窮歡極
娛鑒戒唐詩他人是愉楚辭屈原卜居將從俗富
貴以愉生乎愉音愈史記淮陰侯傳愉衣甘食索
隱曰愉鄒氏音愈美也漢書作愉說文愉从女愈

聲 今此字兩收於十虞十九侯部中

頭 度侯切

古音徒 莊子盜跖篇料虎頭編虎須幾不免虎口
哉口音苦 史記龜策傳今寡人夢見一丈夫延頸
而長頭衣玄繡之衣而乘輜車 易林坤之復九身
無頭魂驚魄去不可以居 屯之无妄鳴條之災此
奔大胡左衽為長國號勾奴主君旄頭立尊單于
訟之坤日入望車不見子家長女無夫左手搔頭
比之歸妹一身兩頭莫通其軀 大有之隨躑躅
蹢躅心搔頭五晝四夜睹我齊侯 謙之蒙子嬰兩
頭陳破其墟 觀之艮北奔陰胡主君旄頭 賁之
乾見家字下 遯之小畜畜北無駒養雞不雛羣羊
三歲不生兩頭 革之頤尼父孔丘善釣鯉魚羅網
一舉得獲萬頭富我家居 小過之豐反鼻歧頭二

寡獨居 太玄經毅次三戴威滿頭君子不足小人
有餘 漢王褒僮約出入不得騎馬載車踞坐大奴
下牀振頭垂釣刈芻結葦臘纊 漢書五行志京房
易傳睽孤見豕負塗厥妖人生兩頭 王延壽魯靈
光殿賦上紀開闢遂古之初五龍比翼人皇九頭伏
羲鱗身女媧蛇軀鴻荒朴略厥狀睢盱 豔歌羅敷
行見上 東方千餘騎夫婿居上頭何用識夫婿白
馬從驪駒青絲繫馬尾黃金絡馬頭腰中鹿盧劍可
值千萬餘十五府小吏二十朝大夫三十侍中郎四
十專城居為人潔白皙鬋鬋頗有鬚盈盈公府步冉
冉府中趨坐中數千人皆言夫婿殊 魏繁欽定情
詩何以結相於金薄畫搔頭 晉成公綏棄故筆賦
則象神仙人皇九頭式範羣生異體怪軀 左傳晉
侯之豎頭頃韓詩外傳作里鳧頭 元戴侗六書故
曰頃徒谷切顛落乎切頃顛頭骨也又作髑髏亦稱
頭盧髑髏之急言為頭皆一聲之轉也 按傳雅髑

顱謂之顱體 按頭字自漢卓文君白頭吟今日斗
酒會明旦溝水頭踈蹊御溝上溝水東西流古歌秋
風蕭蕭愁殺人出亦愁入亦愁壘中何人能不懷憂
令我白頭始

揄

古音兪 說文揄从手兪聲 今此字四收於十虞
十八尤十九侯四十五厚部中

廡

古音同上 玉篇廡古文廡字又徒樓切

繡

古音同上 說文繡从糸兪聲

投

古音徒 詩度之薨薨箋度猶投也 說文投从手
从殳按从殳亦聲

歛

古音兪 說文歛从欠兪聲 今此字兩收於十虞
十九侯部中

殮

古音同上 說文殮从片兪聲讀若兪 今此字三
收於十虞十九侯十遇部中

窆

古音同上 說文窆从宀兪聲 今此字兩收於十
虞十九侯部中

𦵏

古音同上 說文𦵏从麻俞聲

𦵏 五婁切

古音隅 考工記輪人察其齒蚤不齟齬五構反又音隅 說文齟从齒禺聲 今此字兩收於子虞十九侯部中

鈎 古侯切

古音拘 禮記樂記倨中矩句中鈎橐橐乎端如貫珠 素問平人氣象論死心脈來前曲後居如操帶 鈎 淮南子說山訓不受江漢之珠而愛已之鈎 急就篇矛鋌鏃盾刃刀鈎 太玄經迎次四裳有衣

溝

襦男子目珠婦人曳鉤孝經內事圖斗杓橈象
成車房為龍馬華蓋覆鉤天罡八魁神不獨居故驂
駕陪乘以道跼蹢漢豔歌羅敷行見上魏公卿
上尊號奏見上晉張載登成都白菟樓詩見上
周禮巾車金路鉤樊纓九就註云故書鉤為鉤左
傳哀二十五年請適城鉏以鉤越本或作鉤禮記
曾子問註又以鉤從兩旁鉤之鉤本又作鉤史記
周紀弓撥矢鉤戰國策作鉤莊子徐無鬼篇上且
鉤乎君亦作鉤漢書鮑宣傳使吏鉤止丞相掾史
鉤即鉤字西南夷傳鉤町侯亡波師古曰鉤音鉅
于反文選阮籍詠懷詩子母相鉤帶李善本作鉤

古音沽易林蒙之既濟馬驚破車王墮深溝身死
魂去離其室廬睽之履昧暮乘車履危臨溝漢

張衡西京賦內有常侍謁者奉命當御外有蘭臺金
馬遮宿迭居次有天祿石渠校文之處重以虎威章
溝嚴更之署易剗木為舟剗徐音口溝反荀子
溝猶督儒溝讀為拘北史高句麗傳於東界築小
城名為憤溝漣溝漣者句麗城名也

句

古音同上詩行葦見上漢王延壽魯靈光殿賦
見去聲湊字下晉摯虞思游賦爰辨惑於上皇兮
稽吉山之元符唐則天而民咨兮癸亂常而感虞孔
揮涕於西狩兮臧考祥於樓句距肆暴而保艾兮顏
履仁而夙徂何否泰之靡所兮眩榮辱之不圖周
禮几以神仕者註謂布祭眾寡與其居句居音紀慮
反句音紀具反正義曰神有眾寡多少或居方為之
或句曲為之也考工記磬氏倨句一矩有半廬人

句兵欲無憚弓人覆之而角至謂之句弓句劉竝音
九具反左傳哀二十二年註會稽句章縣句九具
反如淳音拘韋昭亦音拘史記孝文紀句註索隱
曰伏儼音俱包愷音鈞句奴傳句注索隱曰服虔
云句音拘漢書文帝紀句注應劭曰山名在鴈門
陰館師古曰句音章句之句王予侯表句容哀侯黨
師古曰句讀為章句之句今句容之句曲山亦同此
音後漢書李南傳註句容今潤州縣也近句曲山有
所容因名焉是也後人以章句之句為九過反其取
屈曲之義者為古侯反然古胡亦是拘音但平去之
異耳地理志宛句師古曰句音劬莊子句贊指
天句俱樹反徐古侯反今此字四收於十虞十九
侯十遇五十候部中

龜

輶

古竝音劬 左傳襄十四年射兩輶而還輶其俱反
徐又古豆反 今此二字兩收於十虞十九侯部中
亦作胸 左傳昭二十六年錄胸汰輶輶其俱反本
又作輶 正義曰胸輶字通用

鵠

古音同上 今此字兩收於十虞十九侯部中

簞

古音沽 史記滑稽傳既窶滿簞汙邪滿車五穀蓄
熟穰穰滿家臣見其所持者狹而所欲者奢 急就
篇筵簞篋筵筵算簞

兜 當侯切

古音當胡反 山海經謹頭國或曰謹朱國註曰謹
兜堯臣也 史記年表宋景公頭曼漢書古今人表
作兜樂 尚書古文騅兜字作𠂔𠂔以𠂔亦聲

髻 薄侯切

古音方武反 今此字三收於十九侯九虞四十五
厚部中

按古侯韻與魚虞模同用無與憂流州鳩同用者魏
陳思王筌簾引晉劉琨重贈盧湛始合而為一唐人
遂以尤侯幽三韻同用而古音亡矣
毛先舒曰今曲凡唱侯韻者其音後必收如烏而烏
字乃魚虞之韻古人亦以收音相類為韻部相附故
侯通魚虞也

哀 薄侯切

古音蒲年反 詩常棣二章原隰哀矣兄弟求矣

捋

古音同上 易謙象傳君子以裒多益寡鄭荀董蜀
本俱作捋 禮記禮運註田人所捋治也捋音裒
韻中唯此二字當改入憂流州鳩一韻

二十幽

古與三蕭四宵五有六豪及憂流以下等字通為一
韻

幽 於蚪切

彪

雨休切

詩隰桑三章隰桑有阿其葉有幽既見君子德音孔
膠楚辭九章惜往日君無度而弗察兮使芳艸為
藪幽馬舒情而抽信兮怙死亡而不聊獨郭靡而蔽
隱兮使貞臣而無由漢淮南小山招隱士桂樹叢
生兮山之幽偃蹇連蜷兮枝相繚張衡思玄賦見
流字下晉陸雲贈顧驃騎詩在虞之胄實維有姚
穎艷玉秀華茂桃夭居顯祇明在靈格幽清塵熠爍
淑心綢繆爰及祁陽維德之周抱朴子嘉遯篇夫
繩舒則木直正進則邪凋有虞舉則四凶戮宣尼任
則正卯梟猶震雷駭則讐鼓堙朝日出則螢燭幽也
爾道藏歌迴舞太空嶺六氣運重幽我際豈能尋使
幽終不彫爾雅釋地燕曰幽州疏李巡曰燕其氣
深要厥性剝疾故曰幽幽要也春秋元命苞幽州
幽之為言窈也釋名東南隅曰窈窈幽也

易蒙九二包蒙吉鄭康成云包當作彪彪文也

漣

皮彪切

詩角弓七章雨雪漣漣見覲曰消莫宵下遺式居婁

休

香幽切

本註又火交切今五肴部中漏此字

繆

武彪切

荀子子道篇古之人有言曰衣與繆與不女聊
陸雲贈顧驃騎詩見上
夏府君誄見周字下
又晉
見入聲一屋下

唐韻正卷六

欽定四庫全書

唐韻正卷七

崑山顧炎武撰

下平聲

二十一侵

韻中禽字舊音巨今反與琴同本無可疑而夫子傳
易三用此字竝入東韻屯象傳即鹿无虞以從禽也
君子舍之往吝窮也比象傳顯比之吉位正中也舍
逆取順失前禽也邑人不誠上使中也比之无首无
所終也恒象傳浚恒之凶始求深也九二悔亡能久
中也不恒其德无所容也久非其位安得禽也婦人
貞吉從一而終也夫子制義從婦凶也振恒在上大
无功也則井深字而入之東韻矣艮象傳艮其限危

薰心也艮其身止諸躬也艮其輔以中正也敦艮之
吉以厚終也則又并心字而入之東韻矣或古有此
音不敢強為之解或疑侵韻在古可入東者詩七
月八章二之曰鑿冰冲冲三之曰納于凌陰則讀陰
為雍矣雲漢二章后稷不克上帝不臨耗斁下土寧
丁我躬則讀臨為隆矣蕩首章天生烝民其命匪諶
靡不有初鮮克有終則讀諶為戎矣楚辭天問比干
何逆而抑沈之雷開何順而賜封之則讀沈為蟲矣
九辯願賜不肖之軀而別離今放游志乎霓中乘精
氣之搏搏兮驚諸神之湛湛騖白霓之習習兮歷羣
靈之豐豐則讀湛為蟲矣素問調經論血并於陰氣
并於陽故為驚狂血并於陽氣并於陰乃為疔中太
玄經進次四曰飛懸陰萬物融融則亦讀陰為雍矣
東觀漢記載順帝作梁商誅孰云忠侯不聞其音背
去國家都茲玄陰幽居冥冥靡所宜窮則音陰竝讀
為雍矣太玄經減測善減不減常自冲也心減形身

困諸中也減其儀欲自禁也減於人無以莅衆也則
讀禁為龔矣玄瑩夫一一所以摹始而測深也三三
所以盡終而極崇也二二所以參事而要終也則亦
讀深為春矣劉向九歎吸精粹而吐氛濁兮橫邪世
而不取容行叩誠而不阿兮遂見排而逢讒則讀讒
為叢矣魏文帝黎陽詩朝發鄴城夕宿韓林霖雨誠
塗與人困窮後漢避甥帝諱改隆慮曰林慮荀子書
亦作臨慮則讀林為隆矣又如司馬相如長門賦以
宮中崇窮與心音臨風淫陰襜吟南同用而又雅一
閨字又若易豫九四朋益簪荀爽本作宗書洛誥毋
若火始燄燄漢書梅福傳引作庸庸詩我躬不閱表
記引作我今不閱與爾臨街韓詩作隆街春秋公孫
敖會宋公陳侯鄭伯晉士穀盟于坐隴公羊穀梁作
坐敖左傳懿公奪閭職之妻史記齊世家作庸職而
周禮禮記左傳定壻封三字通用禮記明堂位魯有
崇鬯呂氏春秋以為岑鬯風俗通空侯若孝武時樂

人侯調所作本名坎侯此蓋出於上俗之殊要不得以
為正音耳

二十二覃

古與二十一侵通為一韻

二十三談

古與二十一侵二十二覃通為一韻

二十四鹽

古與二十一侵二十二覃二十三談通為一韻

二十五添

古與二十一侵二十二覃二十三談二十四鹽通為一韻

二十六咸

古與二十一侵二十二覃二十三談二十四鹽二十五添通為一韻

二十七銜

古與二十一侵二十二覃二十三談二十四鹽二十五添二十六咸通為一韻

二十八嚴

古與二十一侵二十二覃二十三談二十四鹽二十五添二十六咸二十七銜通為一韻

二十九凡

古與二十一侵二十二覃二十三談二十四鹽二十五添二十六咸二十七銜二十八嚴通為一韻

此韻字少又閉口之音不可旁通他韻故詩中多四聲同用岷三章慈眺節南山首章悵談斬監則平上同用鼓鐘四章欽琴音南楷抑九章楷心殷武四章監嚴濫則平去同用小戎二章驂合軌邑常棣七章合琴翕湛則平入同用以字言之如針之从卜砭之从乏則因入得平帖之从占則因平得入啗之从替則因上得入塾之从執豔之从益則因入得去故禮記郊特牲腥肆爛臠註爛或為臠說文引春秋次于聶北作出北方言斟汁也北燕朝鮮洲水之間曰斟闕西曰汁而釋名曰飲奄也念粘也含合也余广也後漢與服志薛綜曰闕之言函也此皆足以證四聲之相通而學者可以三隅反矣

唐韻正卷七

欽定四庫全書

唐韻正卷八

崑山顧炎武撰

上聲

一董

二腫

古與一董通為一韻

三講

古與一董二腫通為一韻

港

古項切

古音胡貢反 今此字兩收於三講一送部中

蚌

步項切

古音步孔反 晉郭璞山海經毆野絲贗女子鮫人
體近蠶蚌出珠匪甲吐絲匪蛹化出無方物豈有種
說文蚌从虫丰聲

玕

古音同上 說文玕从玉丰聲 玉篇玕布孔步講
二切

鵠

武項切

此韻之於一董二腫猶四江之於一東二冬三鍾也
凡平聲已詳者不更註後倣此

講

古項切

古音講 史記項羽紀項王范增疑沛公之有天下
業已講解漢書作講韓世家將西購於秦虞卿傳不
如發重使為講刺客傳北購於單于戰國策竝作講
甘茂傳樗里子與魏講罷兵索隱曰鄒氏云講讀曰
講 韓非子內儲說上篇寡人欲割河東而講下篇
因請為魏王講之講講一字 左傳僖十五年註則
講虛而不經講本又作講 說文講从言莠聲 當
改入侯韻 鮑彪註戰國策曰講字元从女从莠與
講無異義而此書兩字互用今以御名竝作講

梧

步項切

古音部 淮南子詮言訓王子慶忌死於劍羿死於桃梧子路蒞於衛蘇秦死於口口音苦 說山訓作

羿死桃梧部 太玄經迎次七遠之眊近之梧迎父迦迤 公羊成二年傳踊于梧而闕客梧晉口反 史

記天官書右三星曰天梧韋昭音剖 說文梧从木音聲 今此字兩收於十五灰三講部中皆誤

鋤

胡講切

古音后 說文鋤从缶后聲 以上二字當改入厚韻

四紙

此韻當分為二

紙

諸氏切

說文紙从糸氏聲

釋名紙砥也平滑如砥

只

左傳襄十一年引詩樂只君子殿天子之邦樂只君子福祿攸同只並作旨

砥

詩大東首章有饒簋殽有捭棘七周道如砥其直如矢君子所履小人所視瞻言顧之潛焉出涕

是

承紙切

春秋僖十六年是月六鷁退飛過宋都公羊傳作提月提音匙

氏

詩葛覃三章言告師氏言告歸薄汚我私薄滌我衣
十月之交四章皇父卿士番維司徒家伯維宰
仲允膳夫聚子內史蹶維趣馬橋維師氏艷妻鳩方
處士宰史氏為一韻徒夫馬處為一韻 雲漢見右
字下

毀

許委切 當作許跪

楚辭九辯靚杪秋之遙夜兮心繚悵而有哀春秋連
連而日高兮然惆悵而自悲四時遞來而卒歲兮陰
陽不可與儷偕日晼晚其將入兮明月銷鑠而滅毀
鬼谷子飛箱篇或先徵之而後重累或先重以累
而後毀之或以重累為毀或以毀為重累 呂氏春
秋行論篇將欲毀之必重累之

燬

欽定四庫全書

唐韻正

四

詩汝墳三章魴魚賴尾王室如燬雖則如燬父母孔

跪

去委渠委二切 當作渠詭

說文跪以足危聲

廢

過委切 當作過跪

釋名凡廢也所以廢物也

垝

楊涼註荀子引史記朱忌謂魏安釐王曰秦固有懷
茅邢丕城垝津以臨河內及漢書曹參下修武度圍
津云垝圍聲相近疑同 說文垝从土危聲

舊

息委切

當作息說

禮記曲禮立視五舊式視馬尾

累

力委切

當作力說

平聲則力追反荀子成相篇世之哀讒人歸比干
見剗箕子累武王誅之呂尚招麾殷民懷

上聲則力說反宋玉高唐賦惟高唐之大體兮殊
無物類之可儀比巫山赫其無疇兮道互折而層累

登巉巖而下望兮臨大阬之穠水鬼谷子見上
去聲則力瑞反莊子刻意篇故無天災無物累無

人非無鬼責責音債

技

渠綺切

當作渠起

說文技从手支聲

此

雌氏切

說文此止也从止从匕匕相比次也

玼

詩君子偕老二章玼兮玼兮其之翟也鬢髮如雲不
屑鬕也王之瑱也象之栴也揚且之皙也胡然而天
也胡然而帝也

泚

詩新臺見平聲鮮字下

禡

池爾切

當作直爾

說文禡从衣虎聲

下文云讀若池者後人增益之

徙

斯氏切

說文徙从辵止聲今文轉寫作徙此字經無明據
以止聲讀斯氏反於理為長然韓非子揚權篇名正
物定名倚物徙荀子成相篇世之禍惡賢士子胥見
殺百里徙穆公仕之彊配五伯六卿施竝讀為斯可
反易林否之未濟見畸字下頤之兌鼻項移徙居不
安坐

俾

并弭切

說文俾从人卑聲

禮記樂記引詩克順克比比作

爾

兒氏切

詩行葦首章穀彼行葦牛羊勿踐履方苞方體維葉
沉沉戚戚兄弟莫遠具爾或肆之筵或投之几

邇

詩汝墳見上 杖杜見近字下

弭

綿婢切

說文弭从弓耳聲

彌

詩新臺見平聲鮮字下

庫

便婢切

孟子封之有庫後漢書東平王蒼傳註有鼻國名在今永州營道縣北袁譚傳註今猶謂之鼻亭

承

施是切 當作式是

管子地員篇凡聽徵如負承覺而駭

紫

將此切

說文紫以糸此聲疵瑕以惑人者也

釋名紫疵也非正色也五色之

訛

詩小旻二章渝渝訛訛亦孔之哀謀之其臧則具是違謀之不臧則具是依我視謀猶伊于胡底

庀 匹婢切

周禮大胥比樂官鄭司農讀比為庀

跬 工弭切

說文跬半步也从走圭聲讀若跬同

頤

說文頤从頁支聲

以上字當與五音六止通為一韻

靡 文彼切

古音摩 易中孚九二鳴鶴在陰其子和之我有好爵吾與爾靡之徐邈音亡波反京房本作靡 詩黍

離首章彼黍離離彼稷之苗行邁靡靡中心搖搖離
 與靡為韻二章三章同管子侈靡篇富者靡之貧
 者為之又見下莊子知北游篇安化安不化安
 與之相靡必與之莫多墨子親士篇今有五錐此
 其鉅鉅者必先挫有五刀此其錯錯者必先靡申
 子見下韓非子揚權篇厚者虧之薄者靡之淮
 南子泰族訓見平聲移字為字下文子守樸篇故
 形有靡而神未嘗化以不化應化漢書郊祀志見
 去聲麗字下淮南小山招隱士青莎雜樹兮蒨艸
 霍靡白鹿麕麕兮或騰或倚司馬相如上林賦魚
 鼈謹聲萬物衆夥明月珠子的皪江靡蜀石黃碩冰
 玉磊砢揚雄長楊賦今朝迂純仁遵道顯義并包
 書林聖風雲靡義魚賀反張衡西京賦見去聲被
 字下說文靡从非麻聲麻字古本音摩左傳成
 二年師至于靡笄之下靡一音摩史記蘇秦傳期
 年以出揣摩鄒誕本作揣摩靡靡讀為摩元戴侗六

書故曰靡與摩通莊子凡交近則必相靡以信又曰喜則交頸相靡呂氏春秋樹相近而靡齊有靡笄之山漢書地理志益州郡牧靡李奇曰靡音麻即升麻殺毒藥所出也右北平郡俊靡芥曰俊麻又考工記亮氏于上之攏謂之隧攏音靡劉亡奇反又莫賀反廣韻不收此字

靡

古音同上 說文靡从耳麻聲

彼 甫委切

古音跋 說文彼从彳皮聲

委 於詭切

古音於戈反 禮記曲禮下主佩倚則臣佩瑱主佩瑱則臣佩委 說文委从女从禾按从禾乃聲也

髓

息委切

古音息我反 說文髓从骨隆聲

倚

於綺切

古音於我反 禮記見上 老子禍兮福所倚福兮禍所伏禍與倚為韻 福與伏為韻 申子一言正天下定一言倚天下靡 韓非子見下 漢淮南小山招隱士見上 書太甲惟嗣王不惠于阿衡傳阿倚衡平正義曰古人所讀阿倚同音故阿亦倚也

旖

古音同上 韻補倚亦作綺引東方朔七諫綺龍宇
徐邈讀

綺 居綺切

古音居我反 詩小弁七章伐木綺矣析薪抱矣舍
彼有罪予之佗矣

踦

古音同上 易林否之未濟灌頤同徙道頓跌踦日
辰不良病為身禍

蟻 魚倚切

古音魚我反 禮記檀弓蟻結于四隅蟻本又作蛾
學記蛾子時術之註云本或作蟻 左傳僖十五
年蛾析謂慶鄭蛾魚綺反或作蟻一音五和反 晉
語知伯國諫襄子蝸蛾螻蠆皆能害人蛾音蟻通作

蟻 楚辭天問螽蟻微命力何固註蟻古蟻字一作
蟻 山海經朱蟻其狀如蟻註引楚辭赤蟻若象作

赤蟻 墨子子問蟻傳之守邪蟻與蟻同 新序加
之乎四仞之上而下為蟲蟻食已戰國策作蟲蟻

漢揚雄長楊賦扶服蟻伏五臣本作匍匐蟻伏 後
漢書皇甫嵩傳時人謂之黃巾亦名為蟻賊註蟻音

魚綺反即蟻字也 洪适陳球後碑釋文曰經傳多
書蟻作蟻俗是省文左傳蟻折禮記蟻子時衍之列

子末聚禽獸蟲蟻黃帝紀淳化鳥獸蟲蟻元帝紀白
蟻羣飛蔽日長楊賦扶服蟻伏皆讀蟻為蟻漢仲扶

下旬碑有蟻附之句此云蜂聚蟻動亦蟻省也
亦作螳詩東山傳埴螳塚也螳本亦作蟻又作蟻

按漢蔡琰胡笳十八拍牛羊滿野兮聚如蜂蟻始與
起是里美壘從此為韻

蟻

廣韻於蟻下復出此字註曰亦同見禮是讀蟻為魚起反矣周禮鼈人註蟻蟻字音宜綺反醢人註同

樣

古音同上 史記項羽紀烏江亭長檣船待徐廣曰

檣音俄

藹

韋委切

古音于何反 漢張衡思立賦見平聲移字下

藥

如壘切

古音如我反 楚辭離騷擘木根以結蔭兮貫薜荔之落藥矯菌桂以紉蕙兮索胡繩之纚纚

彫

池爾切

古音徒可反 說文陟从阜多聲臣鉉等曰今俗作
墮非是徒果切 今此字兩收於四紙三十三部
中

陀

古音同上 考工記輪已庠則於馬終古登陀也陀
徐音丈爾反 劉音堂何反

地

古音同上 詩小弁見上

灑

所從切

古音所未反 漢枚乘七發險險戲戲崩壞股池決
勝乃罷滯汨潺湲披揚流灑 劉向九歎會哀悽歎

心離離兮還顧高工泣如灑兮
而灑之陽猶執而餘之今此字四收於四紙十二
蟹三十五馬五冥部中

纚

古音同上 楚辭離騷見上 漢司馬相如上林賦
崔錯發翫阮衡間柯坐條扶踈落英幡纚

侈

尺氏切

古音昌果反 管子侈靡篇積者立餘日而侈美車
馬而馳多酒醴而靡 公羊傳二十六年傳其言至
嵩弗及何侈也侈昌爾反又昌若反 說文侈从人
多聲

詩楚茨箋庶夥也夥一作侈昌紙反何沅音都可反
今夥字廣韻不收

鈔

古音同上

說文鈔从金多聲

諺

古音同上

說文諺从言多聲

埒

古音同上

說文埒从土多聲

哆

古音同上
从口多聲

詩哆兮侈兮哆一音昌可反
今此字七收於九麻四紙三十三哿三

十五馬七志三十八箇四十禍部中

廖

古音同上 吳語將夾溝而廖我宋祁曰舊音廖昌
爾反說文訓廣而引此文非義也或昌也反註云旁
擊頗近之矣

挫

之累切

古音時我反 莊子大馬之挫鉤者郭音丁果反淮
南子音同

揣

初委切

古音丁果反 今此字兩收於四紙三十四果部中
說文錫从厄揣聲讀若挫擊之挫則知揣與坐諧

聲也

紕

匹美切

古音波

今此字兩收於八戈四紙部中

旒

女氏切

古音乃可反 漢東方朔七諫見平聲池字下徐邈

音那 楊慎曰楚辭紛旒旒乎都房王逸註引詩曰

旒旒其華今詩作旒 旒司馬相如賦又旒旒以招搖

揚雄賦旗旒旒郅偈之旒旒王褒洞簫賦形旒旒以順

吹其用字皆自詩楚辭來當依詩音作旒 旒漢書音

義張揖曰旒旒猶阿那也

以上字當與三十三弩三十四果通為一韻

五音

古與四紙之半通為一韻

軌
居洧切

古音九 詩 匏有苦葉 二章 濟盈不濡軌 雉鳴求其
壯 太玄 經 裝次八季 仲播軌泣于之道 漢王逸
九思 御者迷兮失軌 遂踢達兮邪造 與日月兮殊道
參同契 或臣邪佞行不順軌 弦望盈縮乖變 凶咎
陳第曰 軌音九 說文 軌从車九聲 漢班固 幽通賦 羸
取威於伯歲 兮姜本支乎三趾 既仁得其信 然兮仰
天路而同軌 始變其音 按 易 林 坤之小畜 五 範 四
軌 復得饒 有陳力就列 騶虞 虞悅喜揚雄 博士 歲 昔在
文王 經 殷其軌 勗于德音 而思皇多士 已先之矣 傳
毅 孝明帝 誅正朔 永昌冠帶 儋耳四方共貫 八極同

軌則與班固同時

究

古音同上 說文究从宀九聲古文作交从又九聲
漢酸棗令劉熊碑貪究革情究作究 唐李邕敘
州刺史葉慧明碑追究往事究作究

晷

古音同上 太玄經玄攤故推之以刻參之以晷反
覆其序軫轉其道也 說文晷从日咎聲

簋

古音同上 易坎六四樽酒簋貳用缶納約自牖終
无咎 詩權輿二章於我乎每食四簋今也每食不

飽 戊木二章於槩洒埽陳饋八簋既有肥牡以速
諸舅寧適不來微我有咎 說文簋古作甌徐鍇曰
九聲也又孃从女九聲讀若詩糾糾葛屨

机

同上

軌

古音同上 說文見上

汎

古音同上 說文汎从水九聲 釋名側出口汎泉
汎軌也流狹而長如車軌也 今常州府宜興縣有

東執西沈音九 以上七字當改入柳韻 漢時人
讀九字亦或訛為居有反史記殷紀魯仲連傳九侯
鄂侯徐廣曰九一作鬼正義曰括地志云相州滏陽縣
西南五十里有九侯城亦名鬼侯城今按禮記明堂
位韓非子難言篇呂氏春秋行論篇竝作鬼侯

鰐

以水切

古音他果反 今此字三收於五音三十四果部中
當併入果韻

六止

古與四紙之半及五旨通為一韻

七尾

古與四紙之半及五旨六止通為一韻

八語

九麌

古與八語通為一韻

十姥

古與八語九麌通為一韻

十一蘇

古與四紙之半及五旨六止七尾通為一韻

洗

先禮切

古音銑

易繫辭傳聖人以此洗心劉瓛音悉珍反

禮記

月令律中姑洗音素典反左傳定四年闕

鞏姑洗音息典反史記律書律中姑洗姑洗者言

萬物洗生正義曰洗音先典反通典云洗者洗濯

之義漢書高帝紀沛公方踞牀今兩女子洗師古

曰洗音先典反英布傳漢王方踞牀洗師古曰洗

音先典反說文洗从水先聲今此字兩收於十

一蘇二十七銑部中當併入銑韻左傳昭元年

商有姚邛陸德明音姚字亦有西典西禮二反今在

銑韻

洒

同上詩新臺二章新臺有洒河水浼浼燕婉之求

遽際不珍禮記內則屑桂與薑以洒諸上而鹽之

酒徐音西見反玉藻受一爵而色酒如也酒先典
反又西禮反爾雅釋地望厓酒而高岸酒先典反

晉語銑者寒甚矣註銑猶酒也酒酒寒貌史記

范睢傳羣臣莫不洒然變色易容若徐廣曰洒先典

反莊子庚桑楚篇吾酒然異之洒素珍反又悉禮

反今本誤作灑說文洒从水西聲古讀西為先西

聲即先聲玉篇洒先禮先珍二切按洒與洗同

字古人洗字亦或作洒孟子梁惠王願叱死者一洒

之左傳襄二十一年洒濯其心莊子去皮洒心漢書

平帝紀洒心自新萬石君傳身自澣洒武五子傳請

收屬吏以澣洒大王宣元六王傳願洒心自改宋博

傳馮翊殺洒卿恥貨殖傳質氏以洒削而畧食竝是

洗字當改入銑韻

十二蟹

古與四紙之半及五音六止七尾十一蘇通為一韻

十三駭

古與四紙之半及五音六止七尾十一蘇十二蟹通為一韻

十四賄

古與四紙之半及五音六止七尾十一蘇十二蟹十三駭通為一韻

浼

武罪切

古音免 詩新臺見洒字下 說文浼汙也从水免聲詩曰河水浼浼孟子曰汝罵能浼我按此則詩與孟子無二音又曰潤水流浼浼貌从水閔聲則又免之旁諧矣 玉篇浼亡旦亡罪二切 當改入銑韻

十五海

古與四紙之半及五音六止七尾十一聲十二蟹十三駭十四賄通為一韻

十六軫

牝

毗忍切

古音扶履反 老子谷神不死是謂玄牝 列子同
大戴禮易本命篇凡地東西為緯南北為經山為
積德川為積刑高者為生下者為死 正陵為牝谿谷
為牝 蚌蛤龜珠與月盈虛 家語同 淮南子同

淮南子兵畧訓所謂天數者左青龍右白虎前朱雀後玄武
所謂地利者後生而前死左牡而右牝 所謂人事者慶賞
信而刑罰必動靜時舉錯疾 文子守弱篇為天下
牝政能神不死 自然篇天下有始莫知其理唯聖

人能知所以非雌非雄非壯非北生而不死
經居次八反其几雙其北几家不旨
飾次五下言

如水實以天北
晉郭璞山海經豪彘贊剛鬣之族
號曰豪彘毛如攢錐中有激矢厥體兼資自為壯北

詩騶虞傳
礼記月令游北于牧徐音扶死反
騶北三十徐
音扶死反

工記車人北服二柯有參分柯之二北步恐反又扶
死反
今此字兩收於五旨十六軫部中
按說文

北以牛匕聲當音扶履反後入以其通俗不雅而改
為毗恐失其本音猶卵本力管反後入轉而音羸鳥

本丁了反後入轉而音嫻此避俗之曲音非考文之
正說也
當削去併入旨韻

聲
眉隕切

古音每
今此字兩收於五旨十六軫部中
當削去併入旨韻

敏

占音同上 詩甫田三章曾孫來止以其婦子饁彼南畝田峻至喜攘其左右嘗其旨否曾孫不怒農夫

克敏 生民首章生民如何克禋克祀以弗無子履帝武敏歆攸介攸止載震載夙載生載育時維后稷

易林謙之家人恭寬信敏功加四海辟去不祥喜來從母 坎之大畜恭寬信敏履福不殆 井之噬

噬延陵聰敏聽樂太史 漢書叙傳宣之四子淮陽聰敏舅氏籙陳綬陷大理 蔡邕濟北相崔君夫人

誅清和有鑠時惟哲母令儀令色爰以資始塞淵其心淑慎其止于母斯勤在子斯敏仰覽篇籍俯履絲

象多材多藝于何不有 郭輔碑辭篤生七子鍾天之祉堂堂四俊碩大婉敏娥娥三妃行追太妃葉葉

昆嗣福祿茂正 魏何晏景福殿賦其祐伊何宜爾孫子克明克哲克聰克敏永錫難老兆民賴止 嵇

康琴賦於是罷冷弦調心間手敏觸挽如志惟意所
擬初涉淥水中奏清徵雅昶唐堯終詠徵子寬明弘
潤優游躊峙拊弦安歌新聲代起說文敏以支每
聲當改入音韻周禮玉府牀第第音側美反徐
側敏反側美側敏同一音也後人不知以為二音而
兩注之

十七準

古與十六軫通為一韻

準

之尹切

古音之水反晉夏侯湛抵疑意無雅正可準論無
片言可採是以頓於鄙劣而莫之能起也考工記
輅人輅注則利準故書準作水鼎氏權之然後準
之故書準或作水杜子春云當為水白虎通水之

為言準也 釋名水準也準平物也 漢書高祖為人隆準而龍顏服虔曰準音拙應劭曰隆高也準顙權準也按拙之上聲為之水反而今人呼顙顙猶謂之之水反則李斐文顏訓準為鼻者非矣 當改入音韻

騅

息允切

古音追 說文騅以鳥作聲 今此字兩收於六脂十七準部中 當削去併入脂韻

隼

古音之 水反 說文隼祝鵠也本作隼或以隼一作隼 詩采芑三章隼彼飛隼與亦隼爰止為韻汚水一章二章隼彼飛隼與汚彼流水為韻 周禮司尊彝註雉讀為蛇虺之虺或讀為公用射隼之隼 漢書溝洫志繫隼隼

晉灼曰羣古堆字羣岸也師古曰音丁回反昔人讀丁為中蓋反丁回正讀如雖今人亦謂堆為雖也 當改入音韻

十八吻

古與十六軫十七準通為一韻

十九隱

古與十六軫十七準十八吻通為一韻

登

居隱切

古音紀 說文登从己丞讀若詩云赤舄已已 史記滑稽傳秦講鞠脰徐廣曰脰音其紀反 當改入止韻

二十阮

古與十六軫十七準十八吻十九隱通為一韻

二十一混

古與十六軫十七準十八吻十九隱二十阮通為一韻

二十二狠

古與十六軫十七準十八吻十九隱二十阮二十一混通為一韻

二十三旱

古與十六軫十七準十八吻十九隱二十阮二十一混二十二狠通為一韻

二十四緩

古與十六軫十七準十八吻十九隱二十阮二十一
混二十二狠二十三早通為一韻

二十五潛

古與十六軫十七準十八吻十九隱二十阮二十一
混二十二狠二十三早二十四緩通為一韻

二十六產

古與十六軫十七準十八吻十九隱二十阮二十一
混二十二狠二十三早二十四緩二十五潛通為一
韻

二十七銑

古與十六軫十七準十八吻十九隱二十阮二十一
混二十二根二十三旱二十四緩二十五潛二十六
產通為一韻

二十八獮

古與十六軫十七準十八吻十九隱二十阮二十一
混二十二根二十三旱二十四緩二十五潛二十六
產二十七號通為一韻

獮 息淺切

古音璽 說文本作璽从犬璽聲 當改入紙韻
其不以王者當音彌漢王延壽魯靈光殿賦玄熊舛
蛭以斷斷卻負戴而躑躅奔首目以瞪眈徒脉脉而
獮獮

癰

古音息里反 史記越世家齊與吳疥癰也癰即癰
字 釋名癰徙也浸淫移徙青徐人謂癰為徙 當

改入止韻

詩小雅扶杜三章阮緩銳同用板首章阮旱緩潛諫
仙同用

二十九篠

三十小

古與二十九篠通為一韻

唯鳥

以沼切

本註闕
文以水反

水切而五音部漏此字

闕

音引說

又按說文鷺以鳥唯聲正當

如曾子曰唯之唯後人以舊音以水反訛為以小而
徐鉉以唐韻切說文則以為以沼失之遠矣宋杜鎬
議唐韻之誤謂偃字不合在闕部 音淫而淫誤為涇
所以然者偃音軋而軋誤為 音淫而淫誤為涇
以其形而誤其音此以水之為以小亦其類也當改
入音韻 左傳定十四年則對曰唯不敢忘唯字正
音以水反 說文唯字以艸唯聲亦音以水切

三十一巧

古與二卜九篠三卜小通為一韻

三十二皓

古與二十九篠三十小三十一巧通為一韻

唐韻正卷八